





八十二首

全唐詩目 第六函

第三冊

劉禹錫

六卷至十二卷

全唐詩

劉禹錫

送春詞

昨來樓上迎春處，今日登樓又送歸。  
蘭麝殘妝含露泣，柳條長袖<sub>一作飛</sub>向風揮。  
佳人對鏡容顏改，楚客臨江心事違。  
萬古至今同此恨，無如一醉盡忘機。

送李尚書鎮滑州

自浙西觀察使徵拜兵部侍郎月餘有此拜也

南徐報政入文昌，東郡須才別建章。  
視草名高同蜀客，擁旄年少勝荀<sub>一作周</sub>郎。  
黃河一曲當城下，緹騎千重照路傍。  
自古相門還出相，如今人望在巖廊。

其後果繼章平之族

送渾大夫赴豐州

自大鴻臚拜家承舊勳

御定全唐詩

六 劉禹錫六

卷之六

鳳銜新詔降恩華，又見旌旗出渾家。漢作故吏來辭辛屬國，精兵願逐李輕車。羶裘君長迎風馭，錦帶漢作酋豪踏雪御。其奈明年好春日，無人喚看牡丹花。

送源中丞充新羅冊立使侍中之孫

相門才子稱華簪，持節東行捧德音。身帶霜威辭鳳闕，口傳天語到雞林。煙開鷺背千尋碧，日浴鯨波萬頃金。想見扶桑受恩處，一作後一時西拜盡傾心。

送王司馬之陝州白太常丞授工爲詩

暫輟清齋出太常，空攜詩卷赴甘棠。一作府公既有朝中舊，一作司馬應容酒後狂。案牘來時唯署字，風煙入興便成章。兩京大道多遊客，每遇詞人戰一場。

洛中送楊處厚入關便遊蜀

一本有諶章  
合公四字

洛陽秋日正淒淒，君去西秦更向西。  
舊學三冬今轉富，會傷六翮養初齊。  
王城曉入一作窺丹鳳，蜀路晴來一作見碧雞。  
早識臥龍應有分，不妨從此躡丹梯。

送周使君罷渝州歸郢州別墅

君思郢上吟歸去，故自渝南擲郡章。  
野戍岸邊留畫舸，綠蘿陰下一作到山莊。  
池荷雨後衣香起，一作庭草春深綬帶長。  
只恐鳴騶催上道，不容待得晚菘嘗。

奉送浙西李僕射相公赴鎮

奉送至臨泉驛書札  
見徵州詩時在汝州

建節東行是舊遊，歡聲喜氣滿吳州。  
郡人重得黃丞相，童子爭迎郭細侯。  
詔下初辭温室樹，夢中先到景陽樓。

自憐不識平津閣，遙望旌旗汝水頭。

重送浙西李相公，頃廉問江南已經七載後，歷滑一作清臺劍南兩鎮，遂入相，今復領舊地，新加旌

旄。

江北萬人看玉節，江南千騎引金饒。鳳從池上遊滄海，鶴到遼東識舊巢。城下清波含百谷，窻中遠岫列三茅。碧雞白馬回翔久，却憶朱方是樂郊。

送前進士蔡京赴學究科

時崔相公揚  
尚書掌選

耳聞戰鼓帶經鋤，振發聲名自里閭。已見世間能賦客，更攻窻下絕編書。朱門達者誰能識，絳帳書生盡不如。幸遇天官舊丞相，知君無翼上空虛。

送唐舍人出鎮閩中

暫辭鴛鴦出蓬瀛。忽擁貔貅鎮粵城。閩嶺夏雲迎皂蓋。  
建溪秋樹映紅旌。山川遠地由來好。富貴當年別有情。  
了却人間婚嫁事。復歸朝右一作闕作公卿。

送李中丞赴楚州

緹騎朱旗入楚城。士林皆賀振家聲。兒童但喜迎賓守。  
故吏猶應記姓名。一作少萬頃水田連郭秀。四時烟月映淮  
清。憶君初得崑山玉。同向揚州攜手行。

奉送李戶部侍郎自河南尹再除本官歸闕

昔年內署一作中振雄詞。今日東都結去思。宮女猶傳洞簫  
賦。國人先詠袞衣詩。華星却復文昌位。別鶴重歸太乙



想到金閨待通一作稱籍一時驚喜一作起見風儀

送蘄州李郎中赴任

楚關一作門蘄水路非賒東望雲山日夕佳  
薤葉照人呈夏  
簞松花滿盃試新茶樓中飲興因明月江上詩情爲晚  
霞北地交親長引領早將元鬢到京華

送國子令狐博士赴興元覲省

相門才子高陽族一作才省清資五品官  
諫院過時榮棣  
萼謝庭歸去踏芝蘭  
山中花帶煙嵐一作霞晚棧底江涵雪  
水寒伯仲到家人盡賀柳營蓮府遞相歡

送李二十九兄員外赴邠寧使幕

家襲韋平身一作生業文素風清白至今貧  
南宮通籍新郎

吏西候族作從戎舊主人城外草黃秋有雪烽頭煙靜虜

無塵鼎門為別霜天曉刺一作把離觴三五巡

送分司陳郎中祗召直史館重修三聖寶錄

蟬鳴官樹引行車言自成周赴王除遠取南朝貴公子

重修東觀帝王皇一作書常時載筆窺金匱暇日登樓到石

渠若問舊人劉子政如今白首在南徐一作頭白任商於

送慧則法師歸上都因呈廣宣上人并引師精淨名經

佛示滅後大弟子演聖言而成經傳心印曰法承

法而能專曰宗由宗而分教曰支坐而攝化者勝

義皆空之宗也行而宣教者摧破邪山之支也釋

子慧則生於像季思濟劫溺乃學於一支開彼羣

劉禹錫六雙峰書屋

迷以爲盡妙理者莫如法門變凡夫者莫如佛土  
悟無染者莫如散花故業於淨名深達實相自京  
師涉漢沔歷鄢郢登衡湘聽徒百千耳感心化法  
無住道行而歸顧予有社內之因故言別之日愛  
緣警起時也秋盡詠江淹雜擬以送之前見宣上  
人爲我致謝

昨日東林

一作鄰

看講時

都人象

一作乘

馬踢琉璃

雪山

童子應

前世金粟

如來是本師

一錫言歸

九城路

三衣

一作年

曾拂

萬年枝休公久別如相問楚客逢秋心更悲

○送義舟師却還黔南

并引

黔之鄉在秦楚爲爭地近世人多過言其幽荒以

談笑聞者，又從而張皇之。猶夫東蘊逐原燎，或近  
乎語妖，適有沙門義舟道黔江而來，能畫地爲山  
川，及條其風俗，纖悉可信。且曰：貧道以一錫遊他  
方，衆矣至黔，而不知其遠。始遇前節使，而聞今節  
使益賢而文，故其佐多才士，磨圍之下，曳裾秉筆，  
彬彬與兔園同風。蕃僧以外學嗜篇章，時或攝衣  
爲末至客，其來也約。主人乘秋風而還，今乞詞以  
颺之，如捧意珠，行住坐卧，知相好耳。余曰：唯命，筆  
爲七言以應之。

黔江秋水浸雲霓，獨泛慈航路不迷。  
援狢窺齋林葉動，蛟龍聞咒浪花低。  
如蓮半偈心常悟，問菊新詩手自攜。

三  
劉禹錫六  
錫六  
錫六

常說摩圍似靈鷲却將山屐上丹梯

送景元師東歸

并引

廬山僧景元袖詩一幅來謁往往有句輕而道如  
鶴雛襪襪未有六翮而步舒視遠曼然一嘆乃非  
泥滓間物獻詩已斂衽而辭且曰其來也與故山  
秋為期夫丐者僧事也今無他請唯文是求故賦  
一篇以代瓔珞耳

東林寺裏一沙彌心愛當時才子詩山下偶隨流水出  
秋來却赴白雲期灘頭躡屐挑沙菜路上停舟讀古碑  
想到舊房拋一作攜錫杖小松應有過簷枝

漢壽城春望

古荊州刺史治亭其下有子胥廟兼楚王故墳

漢壽城邊野草春，荒祠古墓對荆榛。  
田中牧豎燒芻狗，陌上行人看石麟。  
華表半空經霹靂，靈碑文纔見滿埃塵。  
不知何日東瀛變，此地還成要路津。

荆門一作州道懷古

南國山川舊帝畿，宋臺梁館尚依稀。  
馬嘶古道一作行人歇，麥秀空城野一作雉飛。  
風吹落葉填宮井，火入荒陵一作墳。化寶衣徒使詞臣庾，開府咸陽終日苦思歸。

朗州竇員外見示與澧州元郎中郡齋贈答長

句二篇因以繼和

鴛鴦差池出建章，綵旗朱戶蔚一作相望。  
新恩共理犬牙地，昨日同含雞舌香。  
白芷江邊分驛路，山桃溪外接甘

御定全唐詩 六 劉禹錫 六 雙峰書畫

棠應憐一罷金閨籍枉渚逢春一作想逢十度傷

早春對雪奉寄澧州元郎中

新賜魚書墨未乾賢人暫出遠人安朝驅旌旆行時令  
夜見星辰憶舊官梅繁覆堦鈴閣暖雪峰當戶戟枝寒  
寧知楚客思公子北望長吟澧有蘭

寶朗州見示與澧州元郎中早秋贈荅一作命同

一作荅

鄰境諸侯同舍郎芷江蘭浦恨無梁秋風門外旌旗動  
曉露庭中橘柚香玉簫微涼宜白晝金笳入暮應清商  
騷人昨夜聞鶻鳩一作啼鳥不歎流年惜眾芳

松滋渡一作洞望峽中

渡頭輕雨灑寒梅。雲際溶溶雪水來。夢渚草長迷楚望。  
夷陵土黑有秦灰。巴人淚應猿聲落。蜀客船從鳥道回。  
十二碧峰何處所。永安宮外是一作荒臺。

衢州徐員外使君遺以編紵兼竹書籍因成一

篇用答佳貺

按此郡本白婺州析置徐州自公川卷

爛柯山下舊仙郎。列宿來添婺女光。遠放歌聲分白紵。  
知傳家學與青箱。水朝滄海何時去。蘭在幽林亦自芳。  
聞說天台有遺愛。人將琪樹比甘棠。

唐秀才贈端州紫石硯以詩答之

端州石硯人間重。贈我因知正草元。闕里廟堂空舊物。

開方竈下豈天然。玉蛛吐水霞光靜。綵翰搖風絳錦鮮。



此日傭工記名姓因君數到一作致墨池前

覽董評事思歸之什因以詩贈

幾年油幕佐征東却泛滄浪狎釣童  
欹枕醉眠成戲蝶抱琴閑望送歸鴻  
文儒自襲膠西相倚伏一作叔能齊塞上  
翁更說扁舟動鄉思青菰已熟奈秋風

謝寺雙檜

揚州法雲寺謝鎮西宅古柏存焉

雙檜蒼然古貌竒含煙吐霧鬱參差  
晚依禪客當金殿初封將軍映畫旗  
龍象界中成寶蓋鴛鴦瓦上出高枝  
長明燈是前朝焰曾照青青年少時

寄楊

一作詩八壽州

風獵紅旗入壽春滿城歌舞向朱輪  
八公山下清淮水

千駟塵中白面人，桂嶺雨餘多鶴迹。  
茗園晴望似龍鱗，聖朝方用敢言者。  
次第應須舊諫臣。

洛中寺北樓見賀監草書題詩

高樓賀監昔曾登，壁上筆蹤龍虎騰。  
中國書流尙一作讓象北朝，文士重徐陵。  
偶因獨一作特見空驚目，恨不同時便伏膺。  
唯恐塵埃轉磨滅，再三珍重囑山僧。

間韓賓擢第歸，覲以詩美之兼賀韓十五曹長。  
時韓牧永州。

零陵香草滿郊坰，丹穴雛飛入翠屏。  
孝若歸來成一作呈畫，讚孟陽別後有山銘。  
蘭陔舊地花一作多纔結，桂樹新枝色更一作尚青。  
爲報儒林丈人道，如今從此鬢星星。

宣上人遠寄和禮部王侍郎放榜後詩因而繼

和

禮闈新榜動長安九陌人人走馬看一日聲名遍天下  
滿城桃李屬春官自吟白雪詮詞賦指示青雲借羽翰  
借問至公誰印可支郎天一作眼定中觀

贈東嶽張鍊師

東嶽真人張鍊師高情雅淡世間稀堪為列女書青簡  
久事元君住翠微金縷機中拋錦字玉清臺一作上著霓  
衣雲衢不要吹簫伴只擬乘鸞獨自飛

秘書崔少監見示墜馬長句因而和之

麟臺少諫舊仙郎洛水橋邊墜馬傷塵污腰間青襪綬

風飄掌上紫遊韉上車著作應來問折臂三公定送方  
猶賴德全如醉者不妨吟詠入篇章

寄楊虢州與之舊姻

避地江湖知幾春今來本郡擁朱輪阮郎無復里中舊  
楊僕却爲關外人各繫一官難命駕每懷一作追前好易沾  
巾玉城山裏多靈藥擺落功名且養神

○秋日題寶員外崇德里新居寶員外判度支案

長愛街西風景閑到君居處暫一作便開顏清光門外一渠

水秋色墻頭數點山疎種碧松通一作過月朗多栽紅藥待

春還莫言堆案無餘地認得詩人在此間

蒙恩轉儀曹郎依前充集賢學士舉韓潮州自

代因寄七言

翔鸞闕下謝恩初，通籍由來在石渠。  
暫入南宮判祥瑞，還歸內殿閱圖書。  
故人猶在三江外，同病凡經二紀餘。  
今日薦君嗟久滯，不惟文體似相如。

途次華州陪錢大夫登城北樓春望因覩李崔

令狐三相國唱和之什，翰林舊侶繼踵華城山

水清高鸞鳳翔集，皆忝宿眷遂題此詩

城樓四望出風塵，見盡關西渭北春。  
百二山河雄作上

國一雙旌旆委名臣，壁中今日題詩處。  
作天上同時草

詔人莫怪老郎呈，濫吹宦途雖別舊，情親

始聞秋風

昔看黃菊與君別，今聽元蟬我却回。  
五夜鸞鴦枕前覺，一年顏狀鏡中來。  
馬思邊草拳毛動，鵬眊青雲睡眼開。  
天地肅清堪四望，爲君扶病上高臺。

洛中初冬拜表有懷上京故人

鳳樓南面控三條，拜表郎官早渡橋。  
清洛曉光鋪碧簾，上陽霜葉剪紅緇。  
省門簪組初成列，雲路鴛鸞想退朝。  
寄謝慇懃九天侶，搶榆水擊各逍遙。

尉遲郎中見示自南遷率復却至洛城東舊居之作，因以和之。

曾遭飛語十年謫，新受恩光萬里還。  
朝服不妨遊洛浦，郊園依舊看一作著嵩山。  
竹含天籟清商樂，水遶庭臺碧玉

環留作功成退身地。如今只是暫時閑。

洛中酬福建陳判官見贈

潦倒聲名擁腫材。一生多故苦邇迴。南宮舊籍遙相管。

東洛閑一作闕門晝未開。靜對道流論藥石。偶逢詞客與瓊

瑰。怪君近日文鋒利。新向延平看劍來。

○和蘇十郎中謝病閑居時嚴常侍蕭給事同過

訪歎初有二毛之作

清羸隱几望雲空。左掖鴛鸞到室中。一卷素書消永日。

數莖斑髮一作鬢對秋風。菱花照後容。雖改著草占來命。已

通莫怪人人驚。早白緣君尚是黑頭翁。

○酬淮南廖參謀秋夕見過之作  
林公昔為揚州從事參謀從釋子反初服

揚州從事夜相尋，無限新詩月下吟。  
初服已驚一作元髮，長高情猶向碧一作雲深。  
語餘時舉一杯酒，坐久方聞四一作數處砧。  
不逐繁華訪閑散，知君擺落俗人心。

題王郎中宣義里新居

愛君新買街西宅，客到如遊鄴杜間。  
兩後退朝貪種樹，申時出省趣看山。  
門前巷陌三條近，牆內池亭萬境閑。  
見擬移居作鄰里，不論時節請開關。

○酬朗州崔員外與任十四兄侍御同過鄙人舊居見懷之什時守吳郡

昔日居鄰招屈亭，楓林橘樹鷓鴣聲。  
一辭御苑青門去，十見蠻江白芷生。  
自此曾沾宣室召，如今又守闔閭城。



何人萬里能相憶，同舍仙郎與外兄。  
任侍銜余外兄，崔員外南宮同官。

劉駙馬水亭避暑

千竿竹翠數蓮紅，水閣虛涼玉簟空。  
一作瀉酒水晶簾瑩一作密更通風，賜冰滿盃沈朱實。  
一作疑漏法饌盈盤覆碧籠，盡日逍遙避一作却煩暑。  
再三珍重主人翁。

述舊賀遷寄陝虢孫常侍。  
南宮左輔兩處交代。

南宮幸襲芝蘭後，左輔曾交印綬來。  
多病未離清洛苑，新恩已歷望仙臺。  
關頭古塞桃林靜，城下長河竹箭回。  
聞說隨車有零雨，此時偏動子荆才。

○江陵嚴司空見示與成都武相公唱和因命同

作

南荆西蜀大行臺幕府旌門相對開名重三司平水土  
威雄八陣役風雷彩雲朝望青城起錦浪秋經白帝來  
不是郢中清唱發誰當丞相撥天才

廟庭偃松詩

并序

侍中後閣前有小松不待年一作篁而偃丞相晉公爲  
賦詩美其猶龍蛇然植于高檐喬木間上嵌旁軋  
盤蹙傾亞似不得天和者公以遂物性爲意乃加  
憐焉命畚土以壯其趾使無歌索絢以牽其幹使  
不仆盥漱之餘以潤之顧眄之輝以照之發於仁  
心感召和氣無復天閼坐能敷舒歸之跽蹙化爲  
竒古故雖表丈而有偃號焉予嘗詣閣白事公爲

道所以且示以詩竊感嘉木之逢時斐然成詠

勢軋枝偏根已危高情一見與扶持忽從顛頓有生意

却為離披無俗姿影入巖廊行樂處韻含天籟宿齋時

謝公莫道東山去待取一作時取陰成滿鳳池

贈致仕滕庶子先輩時及第人中最老

朝服歸來畫錦榮登科記上更無兄一作名壽觴每使一作詩曾

孫獻勝境長攜眾妓行鑲鑲據鞍時一作能騁健殷勤把酒

尚多情凌寒却向山陰去衣繡郎君雪裏行一作迎時介子為御史主務在

中越

○哭呂衡州時予方謫居

一夜霜風凋玉芝蒼生望絕士林悲空懷濟世安人畧

不見男婚女嫁時，遺草一函歸太史。  
旅一作孤墳三尺近，要離朔方徙。  
歲行當滿一作晚，欲爲君刊第二碑。

夔州竇員外使君見示悼妓詩，願余嘗識之。  
一作西

因命同作

前年曾見兩鬟時，今日驚吟悼妓詩。  
鳳管學成知有籍，龍媒欲換歎無期。  
空廊月照常行地，後院花開舊折枝。  
寂寞魚山青草裏，何人更立智瓊祠。

竇夔州見寄寒食日憶故姬小紅吹笙因和之

鸞聲窈眇管參差，清韻初調眾樂隨。  
幽院妝成花下弄，高樓月好夜深吹。  
忽驚暮雨一作暉飄零盡，唯有朝雲夢想  
期。聞道今年寒食日，東山舊路獨行遲。

哭龐京兆 少年有俊氣常擢制科之首

俊骨英才氣喪然策名飛步冠羣賢逢時已自致高位  
得疾一作病還因倚少年天上別歸京兆府人間空數一作歎茂  
陵阡今朝總帳哭君處前日見鋪歌舞筵

送李庚先輩赴選

一家何啻十朱輪諸父雙飛秉大鈞曾脫素衣叅幕客  
却為精舍讀書人離筵雒水侵杯色征路函關向晚塵  
今日山公舊賓主一作居賓主話知君不負帝城春

陽山廟觀賽神 梁松南征至此遂為其神在閩州

漢家都尉舊征蠻血食如今配此山曲蓋幽深蒼檜下  
洞簫愁絕一作隘翠屏聞荆巫脉脉傳神語野老娑娑一作娑起

醉顏日落風生，窻門外幾人連。踏竹歌還。

送僧元嵩東遊

并序

予策名二十年，百慮而無一得。然後知世所謂道，無非畏途。唯出世間法，可盡心耳。繇是在席硯一作觀者，多旁行四句之書。備將迎者，皆赤髭白足之侶。深入智地，靜通還源。客塵觀盡，妙氣來宅。內視胸中，猶煎鍊然。開士元嵩，姓陶氏，本丹陽名家。世有人爵，不藉其資。於毘尼禪那，極細密之義。於初中後日，習總持之門。妙音奮迅，願力昭答。雅聞予事佛而佞，亟來相從。或問師隳形之自，對曰：小失怙恃，推棘心以求上乘。積四十年，有羸老將至，而不

懈始悲浚泉之有冽、今痛防墓之未遷、塗芻莫備、薪火恐滅、諸相皆離、此心長懸、雖萬姓歸佛、盡爲釋種、如河入海、無復水名、然具一切智者、豈惟遺百行、求無量義者、寧容斷聞、思今聞南諸侯、雅多大士、思扣以苦調、而希其末光、無容至前有足悲者、予聞是說、已力不足、而悲有餘、因爲詩以送之、庶乎踐霜露者、聽<sup>一作</sup>之有惻。

寶書翻譯學初成、振錫如飛、白足輕彭澤、因家<sup>凡</sup>幾世、靈山預會、是前生傳燈、已悟無爲理、濡露猶懷<sup>同</sup>極情、從此多逢大居士、何人不願解珠璣。

○贈日本僧智藏

浮杯萬里過滄溟，遍禮名山適性靈。一作深夜降龍潭水，  
黑新秋放鶴野田青。身無彼我那懷土，心會真如不讀  
經。爲問中華學道者，幾人雄猛得寧馨。

送元簡上人適越

孤雲出岫本無依，勝境一作名山卽是歸。久向吳門遊好  
寺，還思越水洗塵機。浙江濤驚獅子吼，稽嶺峰疑靈鷲  
飛。更入天台石橋去，一作垂珠璀璨拂三衣。

送宗密上人歸南山草堂寺因謁一作河南尹白

侍郎

宿習修來得慧根，多聞第一却忘言。自從七祖傳心印，  
不要三乘入便門。東泛滄江一作浪，尋古跡西歸紫閣出塵



喧河南白尹大檀越好把真經相對翻

西塞山懷古

西塞樓船下益州金陵王氣黯一作漢然收千尋鐵鎖沈

江底一片降旗出石頭人世幾回傷往事一作荒苑至今生茂草山形

依舊枕江流一作寒今逢四海為家日故壘蕭蕭蘆荻秋

一作而今四海歸皇化兩岸蕭蕭蘆荻秋

廣宣上人寄在蜀與韋令公唱和詩卷因以令

公手札荅詩示之

碧雲佳句久傳芳曾向成都住草堂振錫常過長者宅

披衣一作文猶帶令公香一時風景添詩思八部人天入道

場若許相期同結社吾家本自有柴桑

全唐詩

劉禹錫

○白舍人自杭州寄新詩有柳色春藏蘇小家之句因而戲酬兼寄浙東元相公

錢塘山水有奇聲暫謫仙官領百城女妓還聞名小小使君誰許喚卿卿鼉驚震海風雷起蜃鬪嘘天樓閣成莫道騷人在三楚文星今向斗牛明

○春日書懷寄東洛白二十二楊八二庶子

曾向空門學坐禪如今萬事盡忘筌眼前名利同春夢醉裏風情敵少年野草芳菲紅錦地遊絲撩亂碧羅天心知洛下閑才子不作詩魔即酒顛

白舍人見酬拙詩，因以寄謝。

雖陪三品散班中，資歷從來事不同。名姓也曾鑄石柱，詩篇未得上屏風。甘陵舊黨凋零盡，魏闕新知禮數崇。煙水五湖如有伴，猶應堪作釣魚翁。

白舍人曹長寄新詩，有遊宴之盛，因以戲酬。

蘇州刺史例能詩，西掖今來替左司。二入城門開道路，五千兵馬引旌旗。水通山寺笙歌去，騎過虹橋劍戟隨。若共吳王鬪百草，不如應<sup>一作</sup>是欠西施。

○蘇州白舍人寄新詩，有歎早白無兒之句，因以

贈之。

莫嗟華髮與無兒，却是人間<sup>一作</sup>久遠期。雪裏高山頭白

早海中仙果子生。運于公必有高門慶。謝守何煩曉鏡  
悲幸免如新分。非淺祝君長詠夢熊詩。高山本高于門使之高  
義故殊古之詩流曉此

酬樂天揚州初逢席上見贈

巴山楚水淒涼地。二十三年棄置身。懷舊空吟聞笛賦。  
到鄉翻似爛柯人。沈舟側畔千帆過。病樹前頭萬木春。  
今日聽君歌一曲。暫憑杯酒長精神。

罷郡歸洛途次山陽留辭郭中丞使君

自到山陽不許辭。高齋日夜有佳期。管弦正合看書院。  
語笑方酣各詠詩。銀漢雪晴褰翠幕。清淮月歛落金卮。  
洛陽歸客明朝去。容趣城東花發時。

楚州開元寺北院枸杞臨井繁茂可觀羣賢賦

...

詩因以繼和

僧房藥樹依寒井，井有香泉樹有靈。  
翠葉生籠石豔殷，紅子熟照銅瓶。  
枝繁本是仙人杖，根老新成瑞犬形。  
上品功能甘露味，還知一勺可延齡。

○和樂天鸚鵡

養來鸚鵡背初紅，宜在朱樓繡戶中。  
頻學喚人緣性慧，偏能識主爲情通。  
斂毛睡足難銷日，蹀翅愁時願見風。  
誰遣聰明好顏色，事須安置入深籠。

洛中逢白監同話遊梁之樂，因寄宣武令狐相公。

曾經謝病各遊梁，今日相逢憶孝王。  
少有一身兼將相，

更能四面占文章。開顏坐上催飛蓋。迴首庭中看舞槍。  
借問風前兼月下。不知何客對胡牀。

河南王少尹宅燕張常侍白舍人兼呈盧郎中

李員外二副使

將星夜落使星來。三省清臣到外臺。事重各衙天子詔。  
禮成同把故人盃。捲簾松竹雪初霽。滿院池塘春欲回。  
第一林亭迎好客。殷勤莫惜玉山頽。

和宣武令狐相公郡齋對新竹

新竹翛翛韻曉風。隔窗依砌尚蒙籠。數聞素壁初開後。  
一段清光入坐中。欹枕閑看知自適。舍毫朗詠與誰同。  
此君若欲長相見。政事堂東有舊叢。

和樂天送鶴上裴相公別鶴之作

昨日看成送鶴詩，高籠提出白雲司。  
朱門乍入應迷路，玉樹容棲莫揀枝。  
雙舞庭中花落處，數聲池上月明時。  
三山碧海不歸去，且向人間呈羽儀。

闕下待傳點呈諸同舍

禁漏晨鐘聲欲絕，旌旗組綬影相交。  
殿含佳氣當龍首，閣倚晴天見鳳巢。  
山色葱籠丹檻外，霞光泛濫翠松梢。  
多慙再入金門籍，不敢爲文學解嘲。

和樂天以鏡換酒

把取菱花百鍊鏡，換他竹葉十旬杯。  
嶮肩厭老終難去，蘸甲須歡便到來。  
妍醜太分迷忌諱，松喬俱傲絕嫌猜。

校量功力相千萬，好去從空白玉臺。

同樂天送河南馮尹學士

可憐五玉馬風流地，暫輟金貂侍。從才閣上掩書劄，向

去門前修刺孔融來。馬自館閣出為河南尹峻陵路靜寒無雨，洛水

橋長晝起雷。共一作羨府中棠棣好，先於城外百花開。時公

四人竝以顯官居雒士宗樂之

同白二十二贈王山人

愛名之世忘名客，多事之時無事身。古老相傳見來久，

歲年雖變貌常新。飛章上達三清路，受籙平交五嶽神。

笑聽皦皦朝暮鼓，只能催得市朝人。

題集賢閣

劉禹錫七  
雙峰書室



鳳池西畔圖書府。玉樹玲瓏景氣開。長聽餘風送天樂。  
時登高閣望人寰。青山雲繞欄干外。紫殿香來步武間。  
會是先賢翔集地。每看壁記一慙顏。

和令狐相公初歸京國賦詩言懷

凌雲羽翮挾天才。揚一作敷歷中樞與外臺。相印昔辭東閣  
去。將星還拱北辰來。殿庭捧日黼纓入。閣道看山曳履  
回。口不言功心自適。吟詩釀酒待花開。

和樂天南園試小樂

閑步南園煙雨晴。遙聞絲竹出牆聲。欲拋丹筆三川去。  
先教清商一部成。花木手栽偏有興。歌詞自作別生情。  
多才遇景皆能詠。當日人傳滿鳳城。

○答樂天戲贈

才子聲名白侍郎風流雖老尚難當詩情逸似陶彭澤  
齋日多如周太常矻矻將心求淨法時時偷眼看春光  
知君技癢思歡讌欲倩天魔破道場

○同樂天送令狐相公赴東都留守

自戶部  
對書拜

尚書劍履出明光居守旌旗赴洛陽世上功名兼將相  
人間聲價是文章衙門曉闢分天仗賓幕初開辟省郎  
從發坡頭向東望春風處處有甘棠

自華陵至河  
南皆故林也

○刑部白侍郎謝病長告改賓客分司以詩贈別

鼎食華軒到眼前拂衣高謝豈徒然九霄路上辭朝客  
四皓叢中作少年他日臥龍終得雨今朝放鶴且冲天

洛陽舊有衡茆在，亦擬抽身伴地仙。

和留守合狐相公答白賓客

麥隴一作籠和風吹樹枝，商山逸客出關時。  
身無拘束起長晚，路足交親行自遲。  
官拂象筵終日待，社將雞黍幾人期。  
君來不用飛書報，萬戶先從紙貴知。

酬鄆州令狐相公官舍言懷見寄兼呈樂天

詞人各在一涯居，聲味雖同跡自疎。  
佳句傳因多好事，尺題稀爲不便書。  
已通戎略逢黃石，仍占屋文耀碧虛。  
聞說朝天在來歲，霸陵春色待行車。

吟白樂天哭崔兒二篇愴然寄贈

吟君苦調我霑纓，能使無情盡有情。  
四望車中心未釋。

千秋亭下賦初成。庭梧已有棲雛處。池鶴今無子和聲。  
從此期君比瓊樹。一枝吹折一枝生。

答樂天所寄詠懷且釋其枯樹之歎

衙前有梁饌常精。宅內連池酒任傾。自是官高無狎客。  
不論年長少歡情。驪龍領被探珠去。老蚌胚還應月生。  
莫羨三春桃與李。桂花成實向秋榮。

赴蘇州酬別樂天

吳郡魚書下紫宸。長安廐吏送朱輪。二南風化承遺愛。  
八詠聲名躡後塵。梁氏夫妻爲寄客。陸家兄弟是州民。  
江城春日追遊處。共憶東歸舊主人。

○福先寺雪中酬別樂天

龍門賓客會龍宮東去旌旗駐上東  
二八笙歌雲幕下  
三千世界雪花中  
離堂未暗挑紅燭  
別曲含凄颺晚風  
才子從今一分散  
使將詩詠向吳儂

和樂天耳順吟兼寄敦詩

吟君新什慰蹉跎  
屈指同登耳順科  
邳禹功成三絕事  
孔融書就八年多  
已經將相誰能爾  
拋却丞郎爭奈何  
獨恨長洲數千里  
且隨魚鳥泛煙波

和白侍郎送令狐相公鎮太原

十萬天兵貂錦衣  
晉城風日斗生輝  
行臺僕射深恩重  
從事中郎舊路歸  
鑿鼓蹙成汾水浪  
閃旗驚斷塞鴻飛  
邊庭自此無烽火  
擁節還來坐紫微

酬樂天見寄

元君後輩先零落。崔相同年不少留。華屋坐來能幾日。  
夜臺歸去便千秋。背時猶自居三品。三川吳得老終須卜。  
一邱。投老之日願與樂天為鄰若使吾徒還早達。亦應簫鼓入松楸。

樂天寄重和晚達冬青一篇因成再答

風雲變化饒年少。光景蹉跎屬老夫。秋隼得時凌汗漫。  
寒龜飲氣受泥塗。東隅有失誰能免。北叟之言豈便無。  
振臂猶堪呼一擲。爭知掌下不成盧。

河南白尹有喜崔賓客歸洛兼見懷長句因而

繼和

幾年侍從作名臣。却向青雲索得身。朝士忽為方外士。

劉禹錫七

主人仍是眼中人。雙鸞遊處天京好。五馬行時海嶠春。  
遙羨光陰不虛擲。肯令絲竹暫生塵。

和楊師臯給事傷小姬英英

見學胡琴見藝成。今朝追想幾傷情。撚弦花下呈新曲。  
放撥燈前謝改名。但是好花皆易落。從來尤物不長生。  
鸞臺夜直衣衾冷。雲雨無因入禁城。

和樂天洛下醉吟寄太原令狐相公兼見懷長句

舊相臨戎非稱意。詞人作尹本多情。從容自使邊塵靜。  
談笑不聞桴鼓聲。章句新添塞下曲。風流舊占洛陽城。  
昨來亦有吳趨詠。惟寄東都與北京。

郡齋書懷寄江南白尹兼簡分司崔賓客  
謾讀圖書三十車年年爲郡老天涯一生不得文章加  
百口空爲飽煖家綺季衣冠稱鬢面吳公政事副詞華  
還思謝病吟歸去同醉城東桃李花

○題于家公主舊宅

樹繞荒臺葉滿池簫聲一絕草蟲悲鄰家猶學宮人髻  
園客爭偷御果枝馬埒蓬蒿藏狡兔鳳樓煙雨嘯愁鴉  
何郎獨在無恩澤不似當初傅粉時

酬樂天見貽賀金紫之什

八學文章含白鳳却因政事賜金魚郡人未識聞謠詠  
天子知名與詔書珍重賀詩呈錦繡願言歸計竝園廬



舊來詞客多無位，金紫同遊誰得如。

樂天見示傷微之敦詩晦叔三君子皆有深分

因成是詩以寄

吟君歎逝雙絕句，使我傷懷奏短歌。世上空驚故人少，  
集中惟覺祭文多。芳林新葉催陳葉，流水前波讓後波。  
萬古到今同此恨，聞琴淚盡欲如何。

和樂天柘枝

柘枝本出楚王家，玉面添嬌舞態奢。鬆一作鬢收梳鬢鳳，  
髻新衫別織鬪雞紗。鼓催殘拍腰身軟，汗透羅衣兩點  
花。畫筵曲罷辭歸去，一作畫席曲便隨王母上煙霞。  
殘辭別去

和樂天題真娘墓

蒼苔林中黃土堆。羅襦繡黛已成灰。芳魂雖死人不悅。  
蔓草逢春花自開。幡蓋向風疑舞袖。鏡燈臨曉似妝臺。  
吳王嬌女墳相近。一片行雲應往來。

客有話汴州新政書事寄令狐相公

天下咽喉今大寧。軍城喜氣徹青冥。庭前劔戟朝迎日。  
筆底文章夜應星。三省壁中題姓字。萬人頭上見儀形。  
汴州忽復承平事。正月看燈戶不扃。

令狐相公見示河中楊少尹贈答兼命繼之

兩首新詩百字餘。朱弦玉磬韻難如。漢家丞相重徵後。  
梁苑仁風一變初。四面諸侯瞻節制。八方通貨溢河渠。  
自從郤<sub>一作</sub>穀爲元帥。大將歸來盡把書。

和令狐相公送趙常盈鍊師與中貴人同拜嶽  
及天台投龍畢却赴京

銀璫謁者引蜺旌霞帔仙官到赤城白鶴迎來天樂動  
金龍擲下海神驚元君伏奏歸中禁武帝親齋禮上清  
何事夷門請詩送梁王文字上聲名

酬令狐相公贈別

越聲長苦有誰聞老向湖山與楚雲海嶠新辭永嘉守  
夷門重見信陵君山園松菊今迷路霄漢鴛鴻久絕羣  
幸遇甘泉尙詞賦不知何客薦雄文

酬令狐相公寄賀遷拜之作

遶迴二紀重爲郎洛下遙分列宿光不見當關呼早起

會無侍史與焚香。三花秀色遞春幌。十字清波遶宅牆。  
白髮青衫誰比數。相憐只是有梁王。  
相公昔以大僚分司。故有同病相憐之句。

夏日寄宣武令狐相公

長憶梁王逸興多。西園花盡興如何。近來溽暑侵亭館。  
應覺清談勝綺羅。境入篇章高韻發。風穿號令眾心和。  
承明欲謁先相報。願拂朝衣逐曉珂。

酬令狐留守巡內至集賢院見寄

仙院文房隔舊宮。當時盛事盡成空。墨池半在頽垣下。  
書帶猶生蔓草中。巡內因經九重苑。裁詩又繼二南風。  
爲兄手寫殷勤句。遍歷三台各一通。

和令狐相公言懷寄河中楊少尹

章句慙非第一流。世間才子昔陪遊。吳宮已歎芙蓉死。

張司業詩云吳宮四面秋  
江水天清露白芙蓉死

邊。乃空悲。蘆管秋。李書任向洛陽稱傲。

吏。分司白  
賈谷

苦教河上領諸侯。天不石渠甘對圖書老。關外楊

公安穩不。

令狐相公自天平移鎮太原以詩申賀。相公昔為  
并州從事

北都留守將天兵。出入香一作街宿禁扃。鼙鼓夜聞驚竅。

鴈。旌旗曉動拂參星。孔璋舊檄家家有。叔度新歌處處

聽。夷落遙知真漢相。爭來屈膝看儀刑。

重酬前寄

邊烽寂寂盡收兵。宮樹蒼蒼靜掩扃。戎羯歸心如內地。

天狼無角比凡星。新成麗句開緘後。便入清歌滿坐聽。

吳苑晉祠遙望處，可憐南北太一作相形。

令狐相公自太原累示新詩，因以酬寄。

飛蓬卷盡塞雲寒，戰馬閑嘶漢地寬。  
一籠烽火報平安，燈前妓樂留賓宴。  
雪後山河出獵看，珍重新詩遠相寄。  
風情不似四登壇。

酬令狐相公使宅別齋初栽桂樹見懷之作

清淮南岸家山樹，黑水東邊第一栽。  
香隨綠酒入金杯，根留本土依江潤。  
葉起寒稜映月開，早晚陰成比梧竹。  
九霄還放綵雛一作來。

酬令狐相公見寄

才兼文武播雄名，遺愛芳塵滿洛城。  
身在行臺爲僕射，

徐定至唐言六  
三  
書來角里訪先生，閑遊占得嵩山色。  
醉卧高聽洛水聲。  
千里相思難命駕，七言詩裏寄深情。

郡內書情獻裴侍中留守

功成頻獻乞身章，擺落襄陽鎮洛陽。  
萬乘旌旗分一半，八方風雨會中央。  
兵符今奉黃公略，書殿曾隨翠鳳翔。  
心寄華亭一雙鶴，日陪高步繞池塘。

酬樂天衫酒見寄

酒法眾傳吳米好，舞衣偏尚越羅輕。  
動搖浮蟻香濃甚，裝束輕鴻意態生。  
閑曲定知能自適，舉杯應歎不同傾。  
終朝相憶終年別，對景臨風無限情。

自左馮歸洛下酬樂天兼呈裴令公

新恩通籍在龍樓分務神都近舊邱自有園公紫芝侶

時賓行四人  
盡在洛中

仍追少傅赤松遊華林霜葉紅霞晚伊水晴光

碧玉秋更接東山文酒會始知江左未風流

王儉云江左風流  
宰相唯有謝安

秋齋獨坐寄樂天兼呈吳方之大夫

空齋寂寂不生塵藥物方書繞病身纖草數莖勝靜地

幽禽忽至似佳賓世間憂喜雖無定釋氏銷磨盡有因

同向洛陽閑度日莫教風景屬他人

和樂天齋戒月滿夜對道場偶懷詠

常修清淨去繁華人識王城長者家案上香煙鋪貝葉

佛前燈焰透蓮花持齋已滿招閑客理曲先聞命小娃

明日若過方丈室還應問為法來邪



吳方之見示獨酌小醉首篇樂天續有訓答皆  
含戲謔極至風流兩篇之中竝蒙見屬輒呈濫  
吹益美來章

閉門共寂任張羅靜室同虛養太和塵世數娛開意少  
醉鄉風景獨遊多散金疏傳尋常樂枕麴釀生取次歌  
計會雪中爭挈榼鹿裘鶴氅遞相過

酬樂天齋滿日裴令公置宴席上戲贈

一月道場齋戒滿今朝華幄管弦迎銜杯本自多狂態  
事佛無妨有佞名酒力半酣愁已散文鋒未鈍老猶爭  
平陽不獨容賓醉聽取喧呼吏舍聲

酬樂天偶題酒瓮見寄

從一作是君勇斷拋名後。世路榮枯見幾回。門外紅塵人自走。瓮頭清酒我初開。三冬學任胸中有。萬戶侯須骨上來。何幸相招同醉處。洛陽城裏好池臺。

酬樂天請裴令公開春加宴

高名大位能兼有。恣意遨遊是特恩。二室煙霞成步障。三川風物是家園。晨窺苑樹韶光動。晚度河橋春思繁。弦管常調客常滿。但逢花處即開樽。

樂天示過敦詩舊宅有感一篇吟之泣然追想昔事因成繼和以寄苦懷

淒涼同到故人居。門枕寒流古木疎。向秀心中嗟棟宇。蕭何身後散圖書。本營歸計非無意。唯算生涯尙有餘。

忽憶前言更惆悵。丁寧相約速懸車。

敦詩與予及樂天三人同  
甲子平生相約同休洛中

寄和東川楊尙書慕巢兼寄西川繼之二公近  
從弟兄情分偏睦早忝遊舊因成是詩

太華蓮峰降嶽靈。兩川棠樹接郊坰。政同兄弟人人樂。  
曲奏埙篪處處聽。楊葉百穿榮會府。芝泥五色耀天庭。  
各拋筆硯誇旄鉞。莫遣文星讓將星。

和樂天洛下雪中宴集寄汴州李尙書

洛城無事足杯盤。風雪相和歲欲闌。樹上因依見寒鳥。  
坐中收拾盡閑官。笙歌要請頻何爽。笑語忘機拙更歡。  
遙想兔園今日會。瓊林滿眼映旂竿。

和牛相公遊南莊醉後寓言戲贈樂天兼見示

城外園林初夏天。就中野趣在西偏。薜蘿亂發多臨水。  
鷓鴣雙遊不避船。水底蘆山雲似雪。橋邊平岬草如煙。  
白家唯。有杯觴興。欲把頭盤打少年。

樂天以愚相訪。沽酒致歡。因成七言。聊以奉答。  
少年會醉酒旗下。同輩黃衣領亦黃。蹴踏青雲尋入仕。  
蕭條白髮且飛觴。令徵古事歡生雅。客喚閑人興任狂。  
猶勝獨居荒草院。蟬聲聽盡到寒螿。

德微謙慈誠意制軼壁觀靈隱聚遊

靈神曰錫且無合時

心承會潮際亦同聲黃火

樂天以操時而古而輝耀因以水言輝以水谷

日遠空育融融祀於野則靈休也

臨風嘖嘖不強無水孤寒山靈吟雪蘇敬平頌

地代園林師夏大嶽中社跋由西

全唐詩

劉禹錫

和思黯憶南莊見示

丞相新家伊水頭，智囊心匠日增修。  
化成池沼無痕跡，奔走清波不自由。  
臺上看山徐舉酒，潭中見月慢回舟。  
從來天下推尤物，合屬人間第一流。

酬思黯見示小飲四韻

拋却人間第一官，俗情驚怪我方安。  
兵符相印無心戀，洛水嵩雲恣意看。  
三足鼎中知味久，百尋竿上擲身難。  
追呼故舊連宵飲，直到天明興未闌。

和僕射牛相公春日閑坐見懷

官曹崇重難頻入第宅清閑且獨行階蟻相逢如偶語  
圍蜂速去恐違程人於紅藥惟看色鶯到垂楊不惜聲  
東洛池臺怨拋擲移文非久會應成遠一作遲准看色一作偏憐色

酬元九侍御贈璧竹鞭長句

碧玉孤根生在林美人相贈比雙金初開郢客緘封後  
想見巴山冰雪深多節本懷端直性露青猶有歲寒心  
何時策馬同歸去關樹扶疎敲鐙吟

酬竇元外使君寒食日途次松滋渡先寄示四

韻

楚鄉寒食橘花時野渡臨風駐綵旗草色連雲人去住  
水紋如縠燕差池朱輪尙憶羣飛雉青綬初縣左顧羈

非是湓城舊司馬水曹何事與新詩時自水部郎出牧

寄楊八拾遺時出為國子主簿分司東都韓十八員外亦轉國子博士同在洛陽

聞君前日獨庭爭漢帝偏知白馬生忽領簿書遊太學  
寧勞侍從厭承明洛陽本自宜才子海內而今有直聲  
為謝同僚老博士范雲來歲郎公卿

酬寶員外郡齋宴客偶命柘枝因見寄兼呈張

十一院長元九侍御員外時兼節度判官佐平蠻之譽張初罷都官元方從事

分憂餘刃又從公白羽胡牀嘯詠中綵筆論戎矜倚馬  
華堂留客看驚鴻渚宮油幕方高步澧浦甘棠有幾叢  
若問騷人何處所門臨寒水落江楓

謝寶員外旬休早涼見示詩奉書報詩朝有宴



新秋十日澣朱衣，鈴閣無聲公吏歸。  
 風韻漸高梧葉動，露光初重槿花稀。  
 四時苒苒催容鬢，三爵油油一作忘是一作非。  
 更報明朝池上酌，人知太守字元暉。

南海馬大夫遠示著述兼酬拙詩輒著微誠再  
 有長句時蔡戎未弭故見於篇末

漢家旄節付雄才，百越南溟統外臺。  
 身在絳紗傳六藝，腰懸青綬亞三台。  
 連天浪靜長鯨息，映日帆多寶舶來。  
 聞道楚氛猶未滅，終須旌旆掃雲雷。

和南海馬大夫聞楊侍郎出守郴州因有寄上

之作

忽驚金印駕朱轡，遂別鳴珂聽曉猿。  
 碧落仙來雖暫謫

赤泉侯在是深恩玉環慶遠瞻台坐銅柱勳高壓海門  
一詠瓊瑤百憂散何勞更樹北堂萱

真發馬大夫見示浙西王侍御贈答詩因命同作序

大夫榮踐舊府又歷交趾桂林南人歌之列在風  
什王侍御公易一別歲餘寄末篇以代札

憶逐羊車凡幾時今來舊府統一作戎師象筵照室會詞

容銅鼓臨軒舞海夷百越酋豪稱故吏十洲風景助新

詩秣陵從事何年別一見瓊章如素期

寄唐州楊八歸厚

淮安古地擁州師畫角金鏡旦夕吹淺草遙迎鸛鷄馬  
春風亂颭邪旗謫仙年月今應滿戇諫聲名衆所知

何況遷喬舊同伴一雙先入鳳凰池

時徐晦揚嗣復二舍人與唐州同年及策

寄朗州溫右史曹長

暫別瑤墀鸞鷲行  
綵旗雙引到沅湘  
城邊流水桃花過  
簾外春風杜若香  
史筆枉將書紙尾  
朝纓不稱濯滄浪  
雲臺公業家聲在  
徵詔何時出建章

謝楊司業巨源見寄

辟雍流水近靈臺  
中有詩篇絕世才  
渤海歸人將集去  
黎園弟子請詞來  
瓊枝未識魂空斷  
寶匣初臨手自開  
莫道專城管雲雨  
其如心似不然灰

謝國子崔博士立之見寄

建筆高科早絕倫  
後來無不揖芳塵  
遍看今日乘軒客

多是昔年呈卷人。曹子執經瞻講坐。郎官共食接華茵。  
煩君遠寄相思曲。慰問天南一逐臣。

張郎中籍遠寄長句開緘之日已及新秋因舉

目前仰酬高韻

南宮詞客寄新篇。清似湘靈促柱弦。京邑舊遊勞夢想。  
歷陽秋色正澄鮮。雲銜日脚成山雨。風駕潮頭入渚田。  
對此獨吟還獨酌。知音不見思愴然。

浙東元相公書歎梅雨鬱蒸之候因寄七言

稽山自與岐山別。何事連年鶯鶯飛。百辟商量舊相入。  
九天祇候老臣歸。平湖晚泛窺清鏡。高閣晨開掃翠微。  
今日看書最惆悵。爲聞梅雨損朝衣。

酬嚴給事賀加五品兼簡同制水部李郎中  
九天雨露傳青詔，八舍郎官換綠衣。  
初佩銀魚隨仗入，宜乘白馬退朝歸。  
彫盤賀嘉開瑤席，綵筆題詩出鎖闥。  
聞道水曹偏得意，霞朝霧夕有光輝。

裴相公大學士見示答張秘書謝馬詩并羣公  
屬和因命追作

草元門戶少塵埃，丞相并州寄馬來。  
初自塞垣銜苜蓿，忽行幽徑破莓苔。  
尋花緩轡威遲不去，帶酒垂鞭躑躅邊回。  
不與王侯與詞客，知輕富貴重清才。

奉和裴侍中將赴漢南留別座上諸公

金貂曉出鳳池頭，玉節前臨南雍州。  
暫輟洪鑪觀劍戟，

民字宜避

還將大筆注春秋管弦席上留高韻山水途中入勝遊  
峴首風煙看未足便應重拜富民侯

和蘇郎中尋豐安里舊居寄主客張郎中

漳濱卧起恣閑遊宜室徵還未白頭舊隱來尋通德里  
新篇寫出畔牢愁池看科斗成文字鳥聽提壺憶獻酬  
同學同年又同舍許君雲路並華輶

訓浙東李侍郎越州春晚郎事長句

越中藹藹繁華地秦望峰前禹穴西湖草初生邊鴈去  
山花半謝杜鵑啼青油書卷臨高閣紅旆晴翻繞古堤  
明日漢庭徵舊德老人爭出若耶溪

訓淮南牛相公述舊見貽

少年曾忝漢庭臣，晚歲空餘老病身。初見相如成賦日，

尋爲丞相掃門人。追思往事咨嗟久，喜奉清光笑語頻。

猶有登朝一作驚舊冠冕，待公三入拂埃塵。牛相再入中書故以三入期之

和僕射牛相公追感韋裴六相登庸皆四十餘

未五十薨歿，豈早榮早枯之義。今年將六十，猶

粗強健，因親故勸酒，率然成篇，并見寄之作。

坐鎮清朝獨殷然，閑徵故事數前賢。用才同踐鈞衡地，

稟氣終分大小年。威鳳本池思泛泳，仙查舊路望回旋。

猶憐綺季深山里，唯有松風與石田。

和僕射牛相公以離闕庭七年，班行親故亡歿

十無一人，再觀龍顏，喜慶雖極，感歎風燭，能不

愴然因成四韻並示集賢中書二相公所和  
八辭龍闕擁紅旗喜見天顏拜赤墀三省英寮非舊侶  
萬年芳樹長新枝交朋按武居仙院幕客追風入鳳池  
雲母屏風即施設可憐榮耀冠當時

和僕射牛相公見示長句

靜得天和興自濃不緣宦達性靈慵  
大鵬六月有閑意仙鶴千年無躁容  
流輩盡來多歎息官班高後少過從  
唯應加築露臺上賸見終南雲外峰

和牛相公雨後寓懷見示

金火交爭正抑揚蕭蕭飛雨助清商  
曉看紈扇恩情薄夜覺紗燈刻數長  
樹上早蟬纔發響庭中百草已無光



當年富貴亦惆悵。何況悲翁髮似霜。

和陳許王尙書酬白少傅侍郎長句因通簡汝洛舊遊之什

寥廓高翔不可追。風雲失路蹙相隨。方同洛下書生詠。又見軍前大將旗。雪裏命賓開玉帳。飲中請號駐金卮。竹林一自王戎去。嵇阮雖貧興未衰。

和僕射牛相公寓言二首

兩度竿頭立定誇。回眸舉袖拂青霞。盡拋今日貴人樣。復振前朝名相家。御史定來休直宿。尙書依舊趁參衙。具瞻尊重誠無敵。猶憶洛陽千樹花。

心如止水鑒常明。見盡人間萬物情。鷓鴣騰空猶逞俊。

驂駟齒足自無驚時來未覺權爲崇貴了方知退是榮  
只恐重重世緣在事須三度副蒼生

訓太原狄尙書見寄

家聲烜赫冠前賢時望穹崇鎮北邊  
身上官銜如座上幕中譚笑取同年  
幽并俠少趨鞭弭燕趙佳人奉管弦  
仍把天兵書號筆遠題長句寄山川

訓宣州崔大夫見寄

白衣曾拜漢尙書今日恩光到敝廬  
再入龍樓稱綺季應緣狗監說相如  
中郎南鎮權方重內史高齋興有餘  
遙想敬亭春欲暮百花飛盡柳花初

訓皇甫十少尹暮秋久雨喜晴有懷見示

訓皇甫十少尹暮秋久雨喜晴有懷見示

雨餘獨坐卷簾帷。便得詩人喜霽詩。搖落從來長年感。  
慘舒偏是病身知。掃開雲霧呈光景。流盡潢汙見路岐。  
何況菊香新酒熟。神州司馬好狂時。

○再授連州至衡陽酬柳柳州贈別

去國十年同赴召。渡湘千里又分岐。重臨事異黃丞柏。  
三黜名慙柳士師。歸目併隨回鴈盡。愁腸正遇斷猿時。  
桂江東過遠山下。相望長吟有所思。

○望夫山

何代提戈去。不還獨留形影。白雲間。肌膚銷盡。雪霜色。  
羅綺點成苔蘚斑。江燕不能傳遠信。野花空解妬愁顏。  
近來豈少征人婦。笑採蘼蕪上北山。

懷妓 前三首一作劉  
損詩題作懷院

玉釵重合兩無緣魚在深潭鶴在天得意紫鸞休作舞

鏡能言青鳥罷一作斷銜成金盆已覆難收水玉軫長拋不

續弦若向靡蕪山下過一作空遙將紅一作在淚灑窮泉

鸞飛遠樹棲何處鳳得新巢想稱心紅壁一作粉尙留香漠

漠碧雲初斷信沈沈一作那堪情知點汚投泥玉猶自一作嬾經營

買笑金從此山頭似人石丈夫形狀淚痕深

但會行處遍尋看雖是生離死一般買笑樹邊花已老

畫眉窗下月猶殘雲藏巫峽音容斷路隔星橋過往難

莫怪詩成無淚滴盡傾東海也須乾

三山不見海沈沈豈有仙蹤更可尋青鳥去時雲路斷

姮娥歸處月宮深。紗窗遙想春相憶。書幌誰憐夜獨吟。  
料得夜來天上鏡。只應偏照兩人心。

荅東陽于令寒碧圖詩 并引

東陽令于典宗丞相燕國公之猶子。生綺襦紵袴  
間。所見皆貴盛。而挈然有心。如山東書生。前年白  
有司。願為親民官。以自効。遂補東陽。及蒞官。以簡  
易為治。故多暇日。一旦於縣五里。偶得竒境。埋沒  
於翳替中。于生自以有特操。而生於公侯家。由覆  
蔭入仕。常忽忽歎息。因移是心。開挾泉石。芟去蘿  
葛。斧凡材。奮息壤。而清谿翠峯。森立並來。因構亭  
其端。題曰寒碧。碧流貫於庭中。如青龍蜿蜒。冰去

徹射人樹石雲霞列於前。昏旦萬狀惜其居地不  
得有聞於時。故圖之來乞辭。既無負尤物。予亦久  
翳蘿蔦者。睹之慨然。遂賦七言以貽後之文士。

東陽本是佳山水。何況曾經沈隱侯。化得邦人解吟詠。  
如今縣令亦風流。新開潭洞疑仙境。遠寫丹青到雍州。  
落在尋常畫師手。猶能三伏瘴生秋。

麻姑山

曾遊仙蹟見豐碑。除却麻姑更有誰。雲蓋青山龍卧處。  
日臨丹洞鶴歸時。霜凝上界花開晚。月冷中天果熟遲。  
人到便須拋世事。稱田還擬種靈芝。

自江陵沿流道中

三千三百西江水，自古如今要路津。  
月夜歌謠有漁父，風天氣色屬商人。  
沙村好處多逢寺，山葉紅時覺勝春。  
行到南朝征戰地，古來名將盡爲神。  
陸遜甘寧皆有祠宇

別夔州官吏

三年楚國巴城守，一去揚州揚子津。  
青帳聯延喧驛步，白頭俯偃到江濱。  
巫山暮色常含雨，峽水秋來不恐人。  
惟有九歌詞數首，里中留與賽蠻神。

魚復江中

扁舟盡室貧相逐，白髮藏冠鑷更加。  
遠水自澄終日綠，晴林長落過春花。  
客情浩蕩逢鄉語，詩意留連重物華。  
風檣好住貪程去，斜日青帘背酒家。

巫山神女廟

巫山十二鬱蒼蒼，石亭亭號女郎。曉霧乍開疑卷幔，山花欲謝似殘妝。星河好夜聞清佩，雲雨歸時帶異香。何事神仙九天上，人間來就楚襄王。

柳絮

飄颻南陌起東鄰，漠漠濛濛暗度春。花巷暖隨輕舞蝶，玉樓晴拂豔妝人。榮迴謝女題詩筆，點綴陶公漉酒巾。何處好風偏似雪，隋河隄上古江津。

贈同年陳長史員外

明州長史外臺郎，憶昔同年翰墨場。一自分襟多歲月，相逢滿眼是淒涼。推賢有愧韓安國，論舊唯存盛孝章。



所歎謬遊東閣下看君無計出酒惶

送周魯儒赴舉詩

并引

晝居外次晨門日有九疑生持一刺來謁立西階  
以須生危冠方袂淺拱舒拜且前致辭稱贊其文  
頗涉獵前言居五六日復袖來益引古事以相劘  
切與之言能言其得姓因家之所自暨縣道鄉亭  
之風俗望山名水之槩狀羅舍所未記朱顛之未  
條咸得之於生由是始列於賓籍臨觴而司斟觀  
博而竄言有日矣初邑中人聞有生來而二千石  
客之駢然來觀遷客裴御史遇生於坐抵掌曰人  
固有顛類而族殊者周生疑羅玠也眾咸蹶然而

熟視生疑也愈甚夫形似古所有也優孟似叔敖而楚君欲以爲相人殊而貌肖猶或欲用之玠生於衡山而生生於九疑其似誠匹也無乃躡其武升俊造仕旬服佐君藩爲御史乎古文人無避事卽有而書之尙實也行李之貺則徵夫詩曰

宋曰營陽內史務因家占得九疑村童心便有愛書癖手指今餘把筆痕自握螭珠辭白屋欲憑雞卜認金門若逢廣坐一作知問羊酪從此知名在一言

○送曹據歸越中舊隱詩

并引

余爲連州諸生以進士書刺者浩不可紀獨曹生崖然自稱爲山夫及與語以徵其實則曰所嗜者

名嘗遠遊以索之。抗喉舌。舐梅梅。以干東諸侯。見之曰。率荒然曰。秀才者天下是不禮庸何傷。今方依名山以揚其聲。將挂幘於南嶽。生之言未及休。余遽曰。在已不在山。若子之言。依山而爲高。是練神叩寂。捐日月而不顧名聞。而老至持是焉。用生聞言。愀然如悔色。見於眉睫。因留止。道士院從余求書以觀。居三時而功倍。一歲讀史書。自皇帝至吳魏間。班班能言之。然而絕口不敢言衡山。知山夫不取而羸也。十一月告余歸隱於會稽。且曰。知求名之自矣。乞詞以發之。遂賦七言詩以鑒其志。行盡瀟湘萬里餘。少逢知己憶吾廬。數聞茅屋閒臨水。

一盞秋燈夜讀書地遠何當隨計吏策成終自詣公車  
剡中若問連州事唯有千山書不如

白鷹

毛羽煊爛白紵裁馬前擊出不驚猜輕拋一點入雲去  
唱殺三聲掠地來綠玉觜攢雞腦破元金爪擘兔心開  
都緣解擲生靈物所以人人道俊哉

行... 卷之... 三... 四...

... 卷之... 三... 四...

... 卷之... 三... 四...

... 卷之... 三... 四...

... 卷之... 三... 四...

全唐詩

劉禹錫

送工部張侍郎入蕃弔祭

時張兼修史

月宿賓諸夏。雲官降一作九天。飾終鄰好重。錫命禮容全。

水咽猶登隴。沙鳴一作稍極邊。路因乘驛近。志爲飲冰堅。

毳帳差池見。烏旗搖曳前。歸來賜金石。榮耀自編年。

早秋送臺院楊侍御歸朝

兄弟四人遍歷諸科二人同省

仙署棣華春。當時已絕倫。今朝丹闕下。更入白眉人。重

振高陽族。分居要路津。一門科第足。五府辟一作書。頻驚

鳥得秋氣法。星懸火一作聖朝。寰海靜。所至不理輪。

送陸侍御歸淮南使府五韻

用年字

江左重詩篇。陸生名久傳。鳳城來已熟。羊酪不嫌羶。歸  
路芙蓉府。離堂玳瑁筵。泰山呈臘雪。隋柳布新年。會忝  
揚州薦。因君達短牋。時段承相鎮揚州營表薦

送令狐相公自僕射出鎮南梁

夏木正陰成。戎裝出帝京。沾襟辭闕淚。回首別鄉情。雲  
樹褒中路。風煙漢上城。前旌轉谷去。後騎踏橋聲。一作又  
領鴛行重。無嫌虎綬。一作節輕終提一麾去。一作當持一筆再入福一作  
蒼生。

奉送裴司徒令公自東都留守再命太原

本對晉國公兩

任相去

十六年

星使出關東。兵符賜上公。山河歸舊國。管籥換離宮。行

色旌旗動軍聲鼓角雄愛棠餘故吏騎竹見新童漢壘  
三秋靜胡沙萬里空其如天下望旦夕詠清風

海陽湖別浩初師

并引

瀟湘間無土山無濁水民乘是氣往往清慧而文  
長沙人浩初生旣因地而清矣故去葦洗慮剔顛  
毛而壞其衣居一都之殷易與士會得執外教盡  
捐苛禮自公侯守相必賜其清問耳目灌注習浮  
於性而里中兒賢適與浩初比者嬰冠帶參妻子  
吏得以乘凌之汨沒天慧不得自奮莫可望浩初  
之清光於侯門上坐第自吟羨而已浩初益自多  
其術尤勇於近達者而歸之往年之臨賀陪侍郎



楊公留歲餘，公遺以七言詩，手筆於素。前年省柳儀曹於龍城，又爲賦三篇，皆章書。今復來連山，以前所得雙南金，出於械，亟請余贖之。按師爲詩，頗清而奕，甚至第三品，二道皆足以取幸於士大夫。宜熏餘習以深入也。會吳郡以山水冠世，海陽又以奇甲一州，師慕道於泉石，爲篤，故攜之以嬉。及言旋，復引與共載於湖上，奕於樹石間，以植沃州之因緣，宜賦詩具道其事。

近郭看

一作有

殊境

獨遊常鮮懽，逢君駐繡錫。觀貌稱林樾，

湖滿景方霽，野香春未闌。愛泉移席近，聞石輟棹看。風

止松猶韻，花繁露未晞。

一作晚

乾橋形出樹曲，巖影落池寒。

東湖

架以凡四橋山下出泉逼嚴為池泓澄  
可愛者不可徧舉故狀其境以貽好事  
別路千嶂裏一作詩情暮雲一作雨

端他年買山處似此得隳官

許給事見示哭工部劉尚書詩因命同作從叔望出河間

漢室賢王後孔門高第人濟時成國器樂道任天真特  
達圭無玷堅貞竹有筠總戎寬得眾市義貴能貧護塞  
無南牧馳心拱北辰乞身來闕下賜告卧漳濱榮耀初  
題劍清羸已拖紳官星徒列位隙日不回輪自昔追飛  
侶今為侍從臣素弦哀已絕青簡歎猶新未遂揮金樂  
空悲撒瑟晨淒涼竹林下無復見清塵從叔自滑北節度以疾歸朝比及拜尚書竟不克中謝

武陵書懷五十韻并序

按天官書武陵當翼軫之分其在春秋及戰國時

印定全書詩六卷劉禹錫九

皆楚地後爲秦惠王所并置黔中郡漢興更名曰  
武陵東徙於今治所常林義陵記云初項籍殺義  
帝於郴武陵人曰天下憐楚而興今吾王何罪乃  
見殺郡民縞素哭於招屈亭高祖聞而異之故亦  
曰義陵今郡城東南亭舍其所也晉宋齊梁間皆  
以分王子弟事存於其書永貞元年余始以尙書  
外郎出補連山守道貶爲是郡司馬至則以方志  
所載而質諸其人民顧山川風物皆騷人所賦乃  
具所聞見而成是詩因自述其出處之所以然故  
用書懷爲目云

西漢開支郡南朝號戚藩四封當列宿百雉俯清沅高

岸朝霞合驚湍激箭奔積陰春暗度將懸霧先昏俗尙

東皇祀謠傳義帝冤桃花迷隱跡棟一作葉慰忠魂戶算

資漁獵鄉豪恃子孫照山畚火動踏耳俚歌喧擁楫舟

為市連蕢竹覆軒披沙金粟見拾羽翠翹翻茗折蒼溪

秀蘋生枉渚暄一作妖禽驚一作鳴格磔起魚戲噉一作日鵝鴟聲

如鉤耕路磳者是也沈約臺榭故李衡墟落存隱侯臺木奴洲並在湘靈悲鼓瑟

泉客泣酬恩露髮兼葭浦星懸檣柚林虎咆空野翼

作滿川澤鄰里皆遷客兒童習左言炎天無冽井霜月

見芳蓀清白家傳遠詩書志所敦列科叨甲乙從宦出

邱樊結友心多契馳聲氣尙吞士安會重賦元禮許登

門草檄嫖姚幕巡兵戍巴屯策臺先自隗送客獨留髡

御定全唐詩六卷劉馬錫九雙峰書室

遂結玉畿綬來觀衢室罇鳶飛入鷹隼魚目儼璵璠  
燭羅馳道朝陽闢帝閭王正會夷夏月朔盛旗旛獨立  
當瑤闕傳呵步紫垣按章清狂獄視祭深蘋藻御歷昌  
期遠傳家寶祚蕃繇文光夏啓神教畏軒轅內禪因天  
性雄圖授化元繼明懸日月出震統乾坤大孝三朝備  
洪恩九族惇百川宗渤澥五岳輔崑崙何幸逢休運微  
班識至尊校緡資筦權復土奉山園時以本官判度支鹽鐵等兼崇陵使判官一  
失貴人意徒聞太學論直廬辭錦帳遠守愧朱幡巢  
方猶燕搶榆尚笑鯁遭迴過荆楚流落感涼温旅望花  
無色愁心醉不昏春江千里草暮雨一聲猿問卜安冥  
數看方理病源帶賒衣改製塵澗劍成痕三秀悲中散

二毛傷虎賁。來憂禦魑魅。歸願收雞豚。就日秦京遠。臨風楚奏煩。南登無灞岬。旦夕上高原。

早秋集賢院郎事

時爲學士

金數已三伏。火星正西流。樹含秋露曉。閣倚碧天秋。灰琯應新律。銅壺添夜籌。商飈從朔塞。爽氣入神州。蕙草香書殿。槐花點御溝。一作樓山明真色見。水靜一作洋濁煙收。早歲忝華省。再來成白頭。幸依羣玉府。末一作有路尙一作向瀛洲。

奉和吏部楊尙書太常李卿二相公策免後郎

事述懷贈答十韻

文雅關西族。衣冠趙北都。有聲真漢相。無類勝隋珠。當軸龍爲友。臨池鳳不孤。九天開內殿。百辟一作拜看晨趨。誠

滿澄欹器成功別大鑪餘芳在公論積慶是神扶步武  
離台席徊翔集帝梧銓林秉秦鏡典樂去齊竿瀟灑風  
塵外逢迎詩酒徒唯應待華誥一作誥更食一作入萬錢厨

晚歲登武陵城顧望水陸悵然有作

星象承烏翼蠻貊想犬牙俚人祠竹節仙洞閉桃花城

基一作塞

歷漢魏江源自實巴華表廖王墓

一作塚

菜地黃瓊家

霜輕菊秀晚石淺水紋斜樵音繞故壘汲路明寒沙清

風稍改葉盧橘始含葩野橋過驛騎叢祠發迥笳跳鱗

避舉網倦鳥寄行楂路塵高出樹山火遠連霞夕曛轉

赤岬浮靄起蒼葭軋軋渡水漿連連赴林鴉叫闍道非

遠賜環期自賒孤臣本危涕喬木在天涯

罷郡歸洛陽寄友人

遠謫年猶少，初歸鬢已衰。  
門閑故吏去，室靜老僧期。  
不見蜘蛛集，頻爲佝僂一作鸞欺。  
穎微囊未出，寒甚谷難吹。  
落唯心在，平生有已知。  
商歌夜深後，聽者竟爲誰。

經伏波神祠

蒙蒙篁竹下，有路到壺頭。  
漢壘磨礧鬪，蠻溪霧雨愁。  
懷人敬遺像，閱世指東流。  
自負霸王略，安知恩澤侯。  
鄉園辭石柱，筋力盡炎洲。  
一以功名累，翻思馬少游。

和汴州令狐相公到鎮改月偶書所懷

二十韻

受脤新梁苑，和羹舊傅巖。  
援毫動星宿，垂釣取韜鈴。  
赫奕交三川，歡呼百姓瞻。  
綠油貔虎擁，青紙鳳皇銜。  
外壘



會無警中厨亦罷監推誠人自服去殺命逾嚴赴赴容  
皆飾幡幡口盡鉗爲兄憐庾翼選婿得蕭咸鬱徊咽喉  
地駢臻水陸兼度橋鳴紉蠹入肆颺雲帆端月當中氣  
東風應遠占管弦暄夜景燈燭掩寒蟾酒每傾三雅書  
能發百函詞人羞布鼓遠客獻貂襜歌榭白團扇舞筵  
金縷衫旌旗遙一族烏履近相攬花樹當朱閣晴河暹  
翠簾衣風飄綬黠燭淚滴嶸巖玉竚虛頻易金爐暖更  
添映環窺豔豔隔袖見纖纖謝傅何由接桓伊定不凡  
應憐郡齋老旦夕鑷霜頰

送賀

一作和

白賓客分司初到洛中戲呈馮尹

西辭望苑去東占洛陽才度嶺無愁思看山不懊來冥

鴻何所慕遼鶴乍飛廻洗竹通新逕攜琴上舊臺塵埃  
長者轡風月故人杯聞道龍門峻還因上客開

白侍郎大尹自河南寄示池北新葺水齋即事  
招賓十四韻兼命同作

公府有高政新齋池上開再吟佳句後一似畫圖來結  
搆疎林下黃緣曲岨隈綠波穿戶牖碧甃疊瓊瑤幽異  
當軒滿清光繞砌廻潭心澄晚鏡渠口起晴雷瑤草緣  
堤種松煙上島栽遊魚驚撥刺浴鷺喜毳毳爲客烹林  
笋因僧採石苔酒餅常不罄書案任成堆簷外青雀舫  
坐中鸚鵡杯蒲根抽九節蓮萼捧重臺芳訊此時到勝  
遊何日陪共譏吳太守自占洛陽才

和令狐相公謝太原李侍中寄蒲桃

珍果出西域移根到北方  
昔年隨漢使今日寄梁王  
上相芳緘至行臺綺席張  
魚鱗含宿潤馬乳帶殘霜  
染指鈇粉膩滿喉甘露香  
醞成十日酒味敵五雲漿  
阻嚼停金盞稱嗟響畫堂  
慙非未至客不得一枝嘗

和令狐相公玩白菊

家家菊盡黃梁國獨如霜  
瑩靜真琪樹分明對玉堂  
仙人披雪氅素女不紅妝  
粉蝶來難見麻衣拂更香  
向風搖羽扇含露滴瓊漿  
高豔遮銀井繁枝覆象牀  
桂叢慙竝發梅藥妬先芳  
一入瑤華詠從茲播樂章

令狐相公見示新栽蕙蘭二草之什兼命同作

上國庭前草移來漢水濱朱門雖易地玉樹有餘陰  
彩疑還泛清香絕復尋光華童子佩柔軟美人心  
情晚含遠思賞幽空獨吟寄言知音者一奏風中琴

和合狐相公南齋小讌聽阮咸

阮巷久蕪沈四弦有遺音雅聲發蘭室遠思含竹林  
座絕眾賓語庭移芳樹陰飛觴助真氣寂聽無流心  
影似白團扇調諧朱弦琴一毫不平意幽怨古猶今

和合狐相公九日對黃白二菊花見懷

素萼迎寒秀金英帶露香  
繁華照旄鉞榮盛一作茂對銀黃

琮璧交輝映衣裳雜彩章晴雲遙蓋覆秋蝶近悠揚  
空想逢九日何由陪一觴滿叢佳色在未肯委嚴霜

令狐僕射與余投分素深縱山川阻修然音問  
相繼今年十一月僕射疾不起聞予已承訃書  
寢門長慟後日有使者兩輩持書并詩計其日  
時已是卧疾手筆盈幅翰墨尙新律詞一篇音  
韻彌切收淚握管以成報章雖廣陵之弦於今  
絕矣而蓋泉之感猶庶聞焉焚之總帳之前附  
于舊編之末

前日寢門慟至今悲有餘已嗟萬化盡方見八行書滿  
紙傳相憶裁詩怨索居危砒音存絕哀玉韻由虛忽歎  
幽明異俄驚歲月除文章雖不朽精魄竟焉如零淚澌  
青簡傷心見素車悽涼從此後無復望雙魚

和樂天閑園獨賞八韻前以蜂鶴拙句寄呈今  
辱蝸蟻妍詞見答因成小巧以取大咍

永日無人事芳園任興行陶廬樹可愛潘宅雨新晴傅  
粉琅玕節熏香菡萏莖榴花裙色好桐子藥丸成柳蠹  
枝偏亞桑空葉再生睢眦欲鬪雀索漠不言鶯動植隨  
四氣飛沈含五情搶榆與水擊小大強爲名

奉和裴令公新成綠野堂郎書

請請鼎門外澄澄洛水灣堂皇臨綠野坐卧看青山位  
極却忘貴功成欲愛閑官各司管篇心術去機關禁苑  
凌晨出園花及露攀池塘魚拔刺竹逕鳥綿蠻志在安  
瀟灑嘗經歷險艱高情方造適眾意望徵還好客交珠

履華筵舞玉顏無因隨賀燕翔集畫梁間

三月三日與樂天及河南李尹奉陪裴令公泛

洛褉飲各賦十二韻

洛下今修褉羣賢勝會稽盛筵陪玉鉉通籍盡金閨波  
上神仙妓听傍桃李蹊水嬉如鷺振歌響雜鶯啼歷覽  
風光好泓洞意思迷權歌能儷曲墨客競分題翠幄連  
雲起香車向道齊人誇綉步障馬惜錦障泥塵暗宮牆  
外霞明苑樹西舟形隨鷁轉橋影與虹低川色晴猶遠  
鳥聲暮欲棲唯餘踏靑伴待月魏王堤

樂天少傅五月長齋廣延緇徒謝絕文友坐成

睽間因以戲之

五月長齋戒。深居絕送迎。不離通德里。便是法王城。舉  
目皆僧事。全家少俗情。精修無上道。結念未來生。寘閣  
緇衣占。書堂信鼓鳴。戲童爲塔象。啼鳥學經聲。黍用青  
菰一作蒲。角葵承玉露。烹馬家供薏。茂劉氏餉蕪。菁暗網籠  
歌扇流塵晦。酒鑑不知何。次道作佛幾時成。

酬樂天晚夏閑居欲相訪先以詩見貽

池榭堪臨泛。翛然散鬱陶。步因驅鶴緩。吟爲聽蟬高。林  
密添新竹。枝低絕晚桃。酒醅晴易熟。藥圃夏頻薶。老是  
班行舊。閑爲鄉里豪。經過更何處。風景屬吾曹。

酬樂天醉後狂吟十韻

來章有移家  
惟醉和之句

散誕人間樂。逍遙地上仙。詩家登逸品。釋氏悟真空。制



誥留臺閣。歌詞入管弦。處身於木鷲。任世變桑田。吏隱  
 情兼遂。儒元道兩全。八關齋適罷。三雅興尤偏。文墨中  
 年舊。松筠晚歲堅。魚書曾替代。香火有因緣。陸法和云與梁  
 元帝於空王寺  
 佛前訂香。火因緣。欲向醉鄉去。猶為色界牽。好吹楊柳曲。為我舞  
 金鉞。

牛相公見示新什謹依本韻次用以抒下情

劇韻新篇至。因難始見能。雨天龍變化。晴日鳳騫騰。遊  
 海驚何極。聞韶素不曾。愜心時拊髀。擊節印麾臚。符籙  
 添喻墨。波瀾起剡藤。揀金光熠熠。累壁勢層層。珠媚多  
 藏賈。花撩欲定僧。封來真寶物。寄與媿交朋。已老無時  
 疾。時洛中時癘多傷少年長貧望歲登。雀羅秘寂寂。蟲翅曉。薨薨羸

驥方辭織虛舟已絕緼榮華甘死別健羨亦生憎玉柱  
琤琮韻金觥冠凸稜何時良宴會促膝對華燈

奉和中書崔舍人八月十五日夜翫月二十韻

暮景中秋爽陰靈既望圓浮一作騰精離一作碧海分照按虞

淵迴見孤輪出高從倚蓋旋二儀含皎澈萬象共澄鮮

整御當西陸舒光麗上元一作從星變風雨順日助陶甄

遠近同時望晶熒此夜偏運行調玉燭潔白應金天曲

沼疑瑤鏡通衢若象筵逢人盡冰雪遇景一作境即神仙引

素吞銀漢凝清洗綠煙臯禽警露下鄰杵思風前水是

還珠浦山成種玉田劍沈三尺影燈罷九枝然象外形

無迹寰中影有一作遷稍當雲闕正未映斗城懸靜對揮

劉蕙九  
雙筆書

宸翰閑臨。襞彩牋。境同牛渚。一作浦上宿在鳳池邊。興掩尋安道。詞勝命仲宣。從今紙貴。後不復詠陳篇。

奉和淮南李相公早一作暮秋即事寄成都武相公

八柱共承天。東西別隱然。遠夷爭慕化。真相故臨邊。竝

進夔龍位。仍齊龜鶴年。俱只詩有齊年並進之句同心舟已濟。造膝璧常

聯。對領專征寄。遙持造物權。斗牛添氣色。井絡靜氛煙。

獻可通三略。分甘出萬錢。漢南趨節制。一作淮趙北賜山川。

玉帳觀渝舞。虹旌獵楚田。步嫌雙綬重。夢入九城偏。秋

雨一作與離情動。新詩一作詩樂府傳。聆音還竊拚。不覺撫公

爭一作詩本因命仲和

元和癸巳歲仲秋詔發江陵偏師問罪蠻徵後

命宣慰釋兵歸降凱旋之辰率爾成詠寄荆南

嚴司空

蠻水阻朝宗兵符下渚宮前籌得上策無戰已成功漢  
使星飛入夷心草偃同歌歡詔開竹棧拜舞敢擲桑弓  
就日知冰釋投人念鳥窮網羅三面解章奏九門重通  
卉服聯操袂雕題盡鞠躬降幡秋練白驛騎晝塵紅火  
號休傳警機橋罷且空登山不見虜振旆自生風江遠  
煙波靜軍回氣色雄伫看聞喜後金石賜元戎



全唐詩

劉禹錫

和李六侍御文宣王廟釋奠作

歎息魯先師。生逢周室卑。有心律天道。無位牧陵夷。歷

聘不能用。領徒空爾爲。儒風正禮樂。旅一作旋象入蒼龜。

西狩非其應。中都安足施。世衰由我賤。泣下爲人悲。遺

教光文德。興王叶夢斯。土田封後允。冕服飾虛儀。鐘鼓

膠庠薦牲牢。郡邑祠聞君。喟然嘆偏在上。丁時

和竇中丞晚入容江作

漢郡三十六。鬱林東南遙。人倫選清臣。天外頒詔條。桂

水步秋浪。火山凌霧朝。分圻辨風物。入境聞謳謠。莎岸

即全唐詩卷六 劉禹錫詩

見長亭煙林隔麗譙。日落舟益駛。川平旗自飄。珠浦遠  
明滅。金沙晴動。攝一吟道中作。離思懸層霄。

南海馬大夫見惠著述三通勒成四帙上自邃

古達于國朝采其菁華至簡如富欽受嘉貺詩

以謝之

紅旗閱五兵。絳帳領諸生。味道輕鼎食。退公猶筆耕。青  
箱傳學遠。金匱納書成。一瞬見前事。九流當抗行。編蒲  
曾苦思。垂竹媿無名。今日承芳詠。誰言贈袞榮。

和楊侍郎初至郴州紀事書情題郡齋八韻

旌節下朝臺。分圭從北回。城頭鶴立處。驛樹鳳栖來。

蘇

傳云後化為仙鶴止城東北閣樓上又州北棧鳳驛圖經云常有威鳳降于延禧也

舊路芳塵在。新恩駟騎催。

里閭風偃草鼓舞拍成雷  
吏散山館曠庭香夏蕊開  
郡齋堪四望壁記有三台  
人訝徵黃晚文非弔屈哀  
一吟梁甫曲知是卧龍才

和東川王相公新漲驛池八韻

今日池塘上初移造物權  
苞藏成別島汨濁致清漣  
變化生言下蓬瀛落眼前  
泛觴鷓翠羽開幕對紅蓮  
遠寫風光入明含氣象全  
渚煙籠驛樹波印漾賓筵  
曲岸留緹騎中流轉綵船  
無因接元禮共載比神仙

酬楊八庶子喜韓吳興與余同遷見贈

依本韻次用

早遇聖明朝鴈行登九霄

吳興與余中外兄弟

文輕傳武仲酒逼蓋

寬饒捨矢同瞻鵠當筵共賽梟

吳興與余同年判人等第

琢磨三益重唱



和五音調臺柏煙常起池荷香暗飄吳興與余同為御史臺門外有蓮池也星文

辭北極旗影度東遼吳興自度支郎中出為行軍司馬所從郎范僕射昔范明友為度遼將軍直道由來

黜浮名豈敢要三湘與百越雨散又雲搖遠守慙侯籍

徵還荷詔條頷容唯舌在別恨幾魂銷滿眼悲陳事逢

人少舊僚煙霞為老伴蒲柳任先凋虎綬懸新印龍鄉

理去橈斷腸天北郡攜手洛陽橋幢蓋今雖貴弓旌會

見招其如草元客空字久寥寥

和兵部鄭侍郎省中四松詩十韻松是中書相公有侍郎時栽

右相歷中臺移松武庫栽紫茸抽細綬青實長玫瑰便

有干霄勢看成構厦材數分天柱半影逐日輪回舊賞

台階去新知谷口來息陰常仰望一作幾表回翠粒

晴懸露蒼鱗雨起苔凝音助瑤瑟飄藥泛金罍月桂花  
一作通燭星榆葉對開終須似雞樹榮茂近昭回

酬鄭州權舍人見寄十二韻

朱戶凌晨啟碧梧含早涼人從桔秩至書到漆沮傍

會因佳句情深取斷章愜心同笑語入耳勝笙簧憶昔

三條路居鄰數仞牆舍人書字光福里時奉東鄰學堂青玉案絲服紫羅囊

麟角看成就龍駒見抑揚舍人離淮南主簿十年舍人方尉此邑及雁門調重入南宮為禮部郎中中飛一箭雲際落雙鶴舍人

登科第旬邑叨前列天臺媿後行舍人任集賢與西鰓庭傳事業雞樹遂翱翔書殿連鳩鵲神池接鳳

舍人在君功鼻凰追遊業尙齒惠好結中腸按接近日夕追遊鍛翻方擡舉危

根易損傷一麾憐棄置五字借恩光鄙人出牧姑蘇舍人草制汝海控峒

劉禹錫十

秀溱流芍藥芳。風行能偃草。境靜不爭桑。鄙人轉臨汝會人牧柴陽轉旆  
趨關石。頰條匝渭陽。病吟猶有思。老醉已無狂。塵滿鴻  
溝道。沙鷺白狄鄉。伫聞黃紙詔。促召紫微郎。

和牛相公題姑蘇所寄太湖石兼寄李蘇州

震澤生竒石。沈潛得地靈。初辭水府出。猶帶龍宮腥。發  
自江湖國。來榮卿相庭。從風夏雲勢。上漢古查形。拂拭  
魚鱗見。鏗鏘玉韻聆。煙波含宿潤。苔蘚助新青。嵌穴胡  
鷗貌。纖鋹蟲篆銘。犀顏傲林薄。飛動向雷霆。煩熱近還  
散。餘醒見便醒。凡禽不敢息。浮壘莫能停。靜稱垂松蓋  
鮮宜映鷓鴣。翎忘憂常目擊。素尚與心冥。眇小欺湘燕。團  
圓笑落星。徒然想融結。安可測年齡。採取詢鄉耆。搜求

按舊經垂鈎入空際。隔浪動晶熒。有獲人爭賀。歡詠  
共聽。一州驚閱寶千里。遙揚舡。覩物洛陽陌。懷人吳御  
亭。寄言垂天翼。早晚起滄溟。

浙西李大夫述夢四十韻并浙東元相公酬和

斐然繼聲

位是才能取。時因際會遭。羽儀呈鸞鷲。鉞刃試豪曹。洛  
下推年少。山東許地高。門承金鉉鼎。家有玉璜韜。呂尚海

浪扶鵬翅。天風引驥髦。便知蓬閣闕。不識魯衣褒。興發

春塘草。魂交益部刀。形開猶抱膝。燭盡遽揮毫。昔仕當

初筮。逢時詠載橐。懷鈇辨蟲蠹。染素學鷲毛。車騎方休

汝歸來欲效陶

大夫罷太原  
從事歸京師

南臺資審譚。內署選風騷。羽

化如乘鯉樓居舊冠鼈美香焚濕麝名果賜乾菹議救  
蠅棲筆邀歌蟻泛醪代言無所戲謝表自稱叨蘭焰凝  
芳澤芝泥瑩玉膏對頰聲價出直久夢魂勞草詔令歸  
馬批章答獻爇銀花懸院院翠羽映簾條諷諫欣然納  
奇觚率爾操禁中時諤諤天下免切切左顧龜成印雙  
飛鵠織袍謝賓緣地密深已是心豪五日思歸沐三春  
羨眾邀茶爐依綠筍碁局就紅桃溟海桑潛變陰陽炭  
暗熬仙成脫疑去臣戀捧弓號建節辭烏柏宜風看鷺  
膏土山京口峻鐵瓮郡城牢曲島松千樹官池水一篙  
鶯來和絲管雁起拂麾旌宛轉傾羅扇回旋墮玉搔罰  
籌長豎纛觥盞樣如舫山是千重障江爲四面濠卧龍

曾得兩浙東孤鶴尙鳴臯浙西劍匣雄開匣二弓閑蟄受發

謂自鳳姿嘗在竹二公鷓鴣不離蒿謂自吳越分雙鎮東西接

萬艘今朝比潘陸江海更滔滔

和浙西李大夫伊川卜居

早入八元數嘗承三接恩飛鳴天上路鎮壓海西門清

望寰中許高情物外存時來誠不讓歸去每形言洛下

思招隱江干厭作瀟按經修道具依樣買山村屬唐為御

宅命畫工圖其狀成開鑿隨人化幽陰為律喧遠移難得樹立史大天將置

所使曰依此樣求之變舊荒園絕塞通潛徑平泉占上原煙霞遙在想簿領

益為繁丹禁虛東閣蒼生望北轅徒令雙白鶴五里自

翻

劉禹錫十

省試風光草際浮

熙熙春景曩。草綠春光麗。的歷亂相鮮。歲狂互虧蔽。乍  
疑芊綿裏。稍動丰茸際。影碎翻崇蘭。浮香轉叢蕙。含煙  
絢碧絲。帶露如珠綴。幸因採掇日。况此臨芳歲。

歷陽書事七十韻

長慶四年八月。余自夔州轉歷陽。浮岷山。觀洞庭。  
歷夏口。涉潯陽。而東。友人崔敦詩罷丞相鎮宛陵。  
緘書來招曰。必我覲面之藩。不十日。飲不置。子故  
余自池州道宛陵。如其素敦。詩出祖於敬亭。祠下  
由姑孰西渡江。乃吾園也。至則考圖經。參見事爲  
之詩。俟采風之夜。諷者。

一夕爲湖地，千年列郡名。霸王迷路處，亞父所封城。漢

置東南尉，梁分肘腋兵。本吳風俗剽，兼楚語音儂。沸井

今無湧，烏江舊有名。上臺遊柱史，石室隱彭鏗。老君適楚有臺在焉

彭鏗石室在含山縣曹操祠猶在，濡須塢未平。海潮隨月大，江水應

春生。憶昨深山裏，終朝看火耕。魚書來北闕，鷓首下南

荆。雲雨巫山暗，蕙蘭湘水清。章華樹已失，鄂渚草來迎。

廬阜香爐出，湓城粉堞明。鴈飛彭蠡暮，鴉噪大雷晴。平

野分風使，恬和趁夜程。貴池登陸峻，春穀渡橋鳴。駱驛

主人問，悲歡故舊情。幾年方一面，卜晝便三更。助喜杯

盤盛，忘機笑語管清。疑警鶴弦巧，似嬌鶯熾炭烘。躡

獸華茵織鬪，鯨回裾飄霧雨急。節墮瓊英斂，黛凝愁色。

御定全唐詩 六 劉禹錫十



施鈿耀翠晶容華本南國妝束學西京日落方收鼓天  
寒更炙笙促筵交履舄痛飲倒簪纓謔浪容僂孟嬌憐  
許智瓊蔽明添翠帟命燭挂一作挂金莖坐久羅衣皺盃頻  
粉面駭興來從請曲意墮郎飛觥令急事須改歡馮醉  
盡呈詰朝還選勝來日又尋盟道別殷勤惜邀筵次第  
爭唯聞嗟短景不復有餘醒眾散扃朱戶相攜話素誠  
晤言猶疊疊殘漏自丁丁出祖干夫擁行廚五熟烹離  
亭臨野水別思入哀箏接境人情洽方冬饌具精中流  
爲界道隔岍數飛蕙沙浦王渾鎮滄洲謝眺城望夫人  
化石夢帝曰環營半渡趨津吏緣堤簇郡岫場黃堆晚  
稻籬碧見冬菁里社爭來獻壺漿各自擎鳴夷傾底寫

枚執一桓成

字

采石風傳折新林暮擊鉅繭綸牽撥刺犀

焰照澄泓露冕觀原野前驅抗旆旌分庭展賓主望闕

拜恩榮比屋惇發輩連年水旱并遐思常後已下令必

知庚遠岫低屏列支流曲帶滢湖魚香勝肉官酒重於

錫憶昔泉源變斯須地軸傾雞籠爲石顰龜眼入泥坑

事繫人風重官從物論輕江春俄澹蕩樓月幾虧盈柳

長千絲宛田隘一線緝遊魚將婢從野雉見媒礪波淨

攢鳧鵲洲香發杜蘅一鍾菰葑米千里水葵羹受譴時

方火分髮政未成比瓊雖碌碌於鐵尙錚錚早忝登三

署會聞奏六英無能甘負弩不慎在提衡口語成中遺

毛衣阻上征時聞闕利鈍智亦有聾盲昔媿山東妙今

詩  
六  
劉禹錫十  
雙峰

慙海內兄。後來登甲乙。早已在蓬瀛。心托秦明鏡。才非  
楚白珩。齒衰親藥物。宦薄傲公卿。捧日皆元老。宣風盡  
大勳。好令朝集使。結束赴新正。

和武中丞秋日寄懷簡諸僚故

退朝遶公府。騎吹息繁陰。吏散秋庭寂。烏啼煙樹深。威  
生奉白簡。道勝外華簪。風物清遠目。功名懷寸陰。雲衢  
念前侶。綵翰寫冲襟。涼菊照幽徑。敗荷攢碧潯。感時江  
海思。報國松筠心。空愧壽陵步。芳塵何處尋。

和令狐相公春日尋花有懷白侍郎閣老

芳菲滿雍州。鸞鳳許同遊。花徑須深入。時光不少留。色  
鮮由樹嫩。枝亞爲房稠。靜對仍持酒。高看特上樓。晴宜

連夜賞雨便一年休共憶秋官處餘霞曲水頭

御定全唐詩

六  
劉禹錫十

卷一

雙峰詩

[Faint, mostly illegible text in vertical columns, possibly bleed-through or ghosting from the reverse side of the page.]

東外... 而... 一... 半... 共... 謝... 蘇... 官... 威... 繪... 實... 曲... 水... 運...

全唐詩

劉禹錫

荊州歌二首

渚宮楊柳暗。麥城朝雉飛。可憐踏青伴。乘暖著輕衣。  
今日好南風。商旅相催發。沙頭檣竿上。始見春江濶。

紀南歌

風煙紀南城。塵土荆門路。天寒多獵騎。一作獵獸者走上樊姬墓。

視刀環歌

常恨言語淺。不如人意深。今朝兩相視。脈脈萬重心。

三閤辭四首

吳聲

賈人三閣上日晏未梳頭不應有此事嬌甚却成愁

珠箔曲瓊鈎仔一作子細見揚州北兵那得度浪話判一作聲悠

悠

沉香帖閣柱金縷畫門一作閣楣回首降幡下已見黍離離

三人出智井一身登檻車朱門漫臨水不可一作得見鱸魚

紇那曲二首

楊柳鬱青青竹枝無限情周一作同郎一回顧聽唱紇那聲

踏曲真無窮調同詞不同願郎千壽長作主人翁

淮陰行五首并引

古有長干行言三江之事悉矣余嘗阻風淮陰作

淮陰行以裨樂府

簇簇淮陰市。竹樓緣岸上。好日起牆竿。烏飛鷺五兩。  
今日轉船頭。金烏指西北。煙波與春草。千里同一色。  
船頭大銅鑲。摩挲光陣陣。早早一作晚使風一作蟻來。沙頭一眠認。

何物令儂羨。羨郎船尾燕。銜泥趁檣竿。宿食長相見。  
隔浦望行船。頭昂尾憶憶。無奈晚來一作挑時。清淮春浪軟。

渾侍中宅牡丹

徑尺千餘朵。人間有此花。今朝見顏色。更不向諸家。

詠红柿子

曉連星影出。晚帶日光懸。本因邊采掇。一作摘翻自保天年。

呂八見寄郡內書懷因而戲和



文苑振金聲。循良冠百城。不知今與氏。何處列君名。

秋風引

何處秋風至。蕭蕭送鴈羣。朝來入庭樹。孤客最先聞。

柳花詞三首

開從綠條上。散逐香風遠。故取花。落時。悠揚占春晚。  
輕飛不假風。輕落不委地。撩亂舞晴空。發人無限思。  
晴天闇闇雪。來送青春暮。無意似多情。千家萬家去。

路傍曲

南山宿雨晴。春入鳳凰城。處處聞弦管。無非送酒聲。

君山懷古

屬車八十一。此地阻長風。千載威靈盡。赭山寒水中。

庭竹

露滌鉛粉節。風搖青玉枝。依依似君子。無地不相宜。

○唐郎中宅與諸公同飲酒看牡丹

今日花前飲。甘心醉數杯。但愁花有語。不爲老人開。

○題壽安甘棠館二首

公館似仙家。池清竹徑斜。山禽忽驚起。衝落半巖花。  
門前洛陽道。門裏桃花路。塵土與煙霞。其間十餘步。

古詞二首

一作  
調古

軒后初冠冕。前旒爲蔽明。安知從複道。然後見人情。  
簿領乃俗士。清談信古風。吾觀蘇令綽。朱墨一何工。

寓興二首

常設卽至理安事非常情寄語何平叔無爲輕老  
世途多禮數鵬鷗各逍遙何事陶彭澤拋官爲折腰

詠史二首

驃騎非無勢少卿終不去世道劇頽波我心如砥柱  
賈生明王道衛綰工車戲同遇漢文時何人居貴位

經檀道濟故壘

萬里長城壞荒營野草秋秣陵多士女猶唱白符鳩當

人歌曰可憐白符鳩枉殺檀江州

傷段右丞

江湖舊游南宮交代

江海多豪氣朝廷有直聲何言馬蹄下一旦是佳城

傷獨孤舍人并引

貞元中余以御史監祠事河南獨孤生始仕爲奉  
禮郎有事宗廟郊時必與之俱繇是甚熟及余謫  
武陵九年間獨孤生仕至中書舍人視草禁中上  
方許以宰相元和十年春余祇召抵京師次都亭  
日舍人以疾不起余聞因作傷詞以爲弔

昔別於一作年少今悲喪國華遠來同社燕不見早梅花

再傷龐尹

京兆歸何處章臺空暮塵可憐鸞鏡下哭殺畫眉人

敬酬微一作敬公見寄二首

淒涼沃州僧顛顛柴桑宰別來二十年唯餘兩心在  
越江千里鏡越嶺四時雪中有人夜深觀水月

鄂渚留別李二十一表臣大夫

高檣起行色。促樹動離聲。欲問江深淺。應如遠別情。

荅表臣贈別二首

昔爲瑤池侶。飛舞集蓬萊。今作江漢別。風雪一徘徊。  
嘶馬立未還。行舟路將轉。江頭曠色深。揮袖依稀見。

始發鄂渚寄表臣二首

祖帳管絃絕。客帆西風生。回車已不見。猶聽馬嘶聲。  
曉發柳林戍。遙城聞五鼓。憶與故人眠。此時猶晤語。

出鄂州界懷表臣二首

離席一揮杯。別愁今尙醅。遲遲有情處。却恨江帆駛。  
夢覺疑連榻。舟行忽千里。不見黃鶴樓。寒沙雪相似。

和遊房公舊竹亭聞琴絕句

尚有竹間路，永無綦下塵。一聞流水曲，重憶餐霞人。

西州李尚書知愚與元武昌有舊遠示二篇吟

之泣然因以繼和二首

來詩云元公令陳從事求蜀琴將以爲寄而武昌之訃聞因陳生會葬

如何贈琴曰已是絕弦時無復雙金報空餘挂劍悲

寶匣從此閉

一作開

朱弦誰復調祇應隨玉樹同向土中銷

別蘇州二首

三載爲吳郡臨岐祖帳開雖非謝築黠且爲一裘回  
流水闔門外秋風吹柳條從來送客處今日自魂銷

○罷和州遊建康

秋水清無力塞山暮多思官閑不計程徧上南朝寺

九日登高

世路山河險，君門煙霧深。年年上高處，未省不傷心。

荅柳子厚

年方伯玉早，恨比四愁多。會待休車騎，相隨出尉羅。  
館娃宮在舊郡西南，硯石山前瞰姑蘇。臺傍有  
采香徑，梁天監中置佛寺，曰靈巖，卽故宮也。信  
爲絕境，因賦二章。

宮館貯嬌娃，當時意太誇。豔傾吳國盡，笑入楚王家。  
月殿移椒壁，天花代舜華。唯餘采香徑，一帶繞山斜。

全唐詩

劉禹錫

聽琴一作聽

禪思何妨在玉琴，真僧不見聽時心。  
秋堂境寂夜方半，雲去蒼梧湘水深。

魏宮詞二首

日晚長秋簾外報，望陵歌舞在明朝。  
添爐欲熟一作欲添爐火，熏衣麝憶得分時明不忍燒。

日映西陵松柏枝，下臺相顧一相思。  
朝來樂府長歌曲，唱著君王自作詞。

楊枝詞二首

劉禹錫十二  
雙峰書屋



迎得春光先到來，淺黃輕綠映樓臺。只緣嫋娜多情思，

更被春風長倩猜。一作請按一作便  
被春風長坐摧

巫峽巫山楊柳多，朝雲暮雨遠相和。因想陽臺無限事，

為君同唱竹枝歌。一作柳枝歌

○竹枝詞二首

楊柳青青江水平，聞郎江上唱歌聲。東邊日出西邊雨，

道是無晴一作情却一作遣有晴一作情

楚水巴山江雨多，巴人能唱本鄉歌。今朝北客思歸去，

回入絳那披綠羅。

○隄上行三首

酒旗相望大隄頭，堤下連橋堤上樓。日暮行人爭渡急，

漿聲幽一作卑瀾中流

江南江北望煙波。入夜行人相應歌。桃葉傳情竹枝怨。

水流無限月明多。

春堤繚繞水徘徊。酒舍旗亭次第開。日晚上樓一作招估。

客軻我大艣。落颿來。

●踏歌詞一作四首

春江月出大堤平。堤上女郎連袂行。唱盡新詞歡一作不

見紅霞映一作影。樹鵝鳴。

桃蹊柳陌好經過。燈下妝成月下歌。為是襄王故宮地。

至今猶自細腰多。此首一作張籍無題詩

新詞宛轉遽相傳。振袖傾鬟風露前。月落烏啼雲雨散。

川定公唐詩下劉禹錫十一

遊童陌上拾花鈿

日暮江頭一作聞竹枝南人行樂北人悲自從雪裏唱新  
曲直到三春花盡時

步虛詞二首

阿母種桃雲海際花落子成三一作千歲海風一作吹折最

籐枝跪捧瓊一作盤獻天帝

華表千年一鶴一作歸凝丹爲頂雪爲衣星星仙語人聽  
盡却向五雲翻翅飛

阿嬌怨

望見歲粧舉翠華試開金屋掃一作庭花須與宮女傳來

信言一作幸平陽公主家

○秋詞二首

自古逢秋悲寂寥。我言秋日勝春朝。  
晴在空一鶴排雲上。便引詩情到碧霄。

山明水淨夜來霜。數樹深紅出淺黃。  
試上高樓清入骨。豈如春色曠人狂。

秋扇詞

莫道恩情無重來。人間榮謝遞相催。  
當時初入君懷袖。豈念寒爐有死灰。

○竹枝詞九首 并引

四方之歌異音而同樂。歲正月。余來建平。里中兒  
聯歌竹枝。吹短笛。擊鼓以赴節。歌者揚袂。睢舞以

和定全書  
卷之二  
竹枝詞九首

曲多爲賢聆其音中黃鐘之羽卒章激訐如吳聲  
雖愴憊不可分而含思宛轉有淇澳之豔音昔屈  
原居沅湘間其民迎神詞多鄙陋乃爲作九歌到  
于今荆楚歌舞之故余亦作竹枝九篇俾善歌者  
颺之附于末後之聆巴歛知變風之自焉

白帝城頭春草生白鹽山下蜀江清南人上來歌一曲  
北人莫上動鄉情

山桃花紅花滿上頭蜀江春水拍山流花紅易衰似郎意  
水流無限似儂愁

江上朱樓新雨晴瀼西春水縠紋生橋東橋西好楊柳  
人來人去唱歌行

日出三竿春霧消，江頭蜀客駐蘭橈。  
憑一作欲寄狂夫書一紙，家在成都萬里橋。

兩岸山花似雪開，家家春酒滿銀杯。  
昭君坊中多女伴，永安宮外踏青來。

城西門前灩澦堆，年年波浪不能摧。  
推一作恨懊惱，恨一作人心不如石少時，東去復西來。

瞿塘嘈嘈十二灘，人言一作此道路古來難。  
長恨人心不如水，等閒平地起波瀾。

巫峽蒼蒼煙雨時，清猿啼在最高枝。  
箇裏愁人腸自斷，由來不是此聲悲。

山上層層桃李花，雲間煙火是人家。  
銀鈿金釵來負水，

劉禹錫十二

長刀短笠，扣燒畚茶。

楊柳枝詞九首

塞北梅花羌笛吹，淮南桂樹小山詞。請君莫奏前朝曲，聽唱新翻楊柳枝。

南陌東城春早時，相逢何處不依依。桃紅李白皆誇好，須得垂楊相發揮。

鳳闕輕遮翡翠幃，龍池遙望麴塵絲。御溝春水相<sub>一作柳</sub>輝映，狂殺長安年少兒。

金谷園中鶯亂飛，銅駝陌上好風吹。城中<sub>一作東</sub>桃李須臾盡，爭似垂楊無限時。

花萼樓前初種時，美人樓上鬪腰肢。如今拋擲長<sub>一作街</sub>街





同到牽牛織女家

洛水橋邊春日斜，碧流清一作輕淺見瓊砂。無端陌上狂風

急，驚起鴛鴦出浪花。

汴水東流虎眼紋，清淮曉色鴨頭春。君看渡口淘沙處，

渡却人間多少人。

鸚鵡洲頭浪飈沙，青樓春望日將斜。銜泥燕子爭歸舍，

獨自狂夫不憶家。一作張籍詩

濯錦江邊兩岸花，春風吹浪正淘沙。女郎剪下鴛鴦錦，

將向中流正晚霞。

日照澄洲江霧開，淘金一作沙女伴滿江隈。美人首飾俟玉

印，盡是沙中浪底來。

八月濤聲吼地來。頭高數丈觸山回。須臾却入海門去。  
捲起沙堆似雪堆。莫道說言如浪深。莫言遷客似沙沉。千淘萬漉雖辛苦。  
吹盡狂沙始到金。流水淘沙不暫停。前波未滅後波生。令人忽憶瀟湘渚。  
回唱迎神三兩聲。

○洛中送韓七中丞之吳興口號五首

昔年意氣結羣英。幾度朝回一字行。海北江

一作南零落

盡兩人。相見洛陽城。

自從雲散各東西。每日歡娛却慘悽。離別苦多相見少。  
一生心事在書題。

今朝無意訴離杯。何況清弦急管催。本欲醉中輕遠別，不知翻引酒悲來。

駱駝橋上蘋風急。

一作

鸚鵡杯中箸下春。水碧山青知好

處，開顏一笑向何人。

溪中士女出笆籬。溪上鴛鴦避畫旗。何處人間似仙境，春山攜妓採茶時。

送廖參謀東遊二首

九陌逢君又別離。行雲別鶴本無期。望嵩樓上忽相見，看過花開花落時。

簾花落盡君辭去。綠草垂楊引征路。東道諸侯皆故人，留連必是多情處。

洛中春末送杜錄事赴蘄州

樽前花下長相見。明日忽為千里人。君過午橋回首望。

洛城一作陽猶自有殘春。

夜燕福建廬侍郎一作常宅因送之鎮

暫駐旌旗洛水堤。綺筵紅燭醉蘭闈。美人美酒長相逐。

莫怕猿聲發建溪。

重送鴻舉師赴江陵謁馬逢侍御

西北秋風凋蕙蘭。洞庭波上碧雲寒。茂陵才子江陵住。

乞取新詩合掌看。

贈長沙讚頭陀

外道邪山千萬重。真言一發盡摧峰。有時明月無人夜。

御定全唐詩卷六 劉禹錫十二 三五 雙峰書室

獨向昭潭制惡龍

● 送零韻上人遊天台

一作寶韻上人

曲江僧向松江見，又到天台看石橋。  
鶴戀故巢雲戀岫，比君猶自不逍遙。

臺城懷古

清江悠悠王氣沉，六朝遺事何處尋。  
宮牆隱嶙圍野澤，鷓鴣夜鳴秋色深。

戲贈崔千牛

學道深山許一作虛老人，留名萬代不關身。  
勸君多買長安酒，南陌東坡占取春。

揚州春夜李端公益張侍御登段侍御平路一作伸

密縣李少府暘秘書張正字復元同會於水館

對酒聯句追刻燭擊銅鉢故事遲輒舉觥以飲

之逮夜艾羣公沾醉紛然就枕余偶獨醒因題

詩於段君枕上以志其事一作揚州春夜同會水館夜艾獨醒

寂寂獨看金燼落紛紛只見玉山頽自蓋不是高陽侶

一夜星星一作燼騎馬回

逢王十二學士入翰林因以詩贈時貞元二十二年以益州尉充學士

鹿馬翩翩禁外逢星槎上漢香難從定知欲報淮南詔

促召王褒入九重

闕下口號呈柳儀曹

絲仗神旗獵曉風雞人一唱鼓蓬蓬一作蓬銅壺漏水何時

歌如此相催郎老翁

監祠夕月壇書事其禮用書

西隗司分晝夜平羲和停午太陰生鏗鏘一作鏘揖讓秋光裏觀者如雲山鳳城

元和甲午歲詔書盡徵江湘逐客余自武陵赴

京宿於都亭有懷續來諸君子

雷一作雲雨江山一作湖起卧龍武陵樵客躡仙蹤十年楚水楓林下今夜初聞長樂鐘

元和十一年自朗州召至京戲贈看花諸君子

紫陌紅塵拂面來無人不道看花回元都觀裏桃千樹

盡是劉郎去一作後栽

再遊元都觀 并引

余貞元二十一年爲屯田員外郎時此觀未有花  
是歲出牧連州尋貶朗州司馬居十年召至京師  
人人皆言有道士手植仙桃滿觀如紅霞遂有前  
篇以志一時之事旋又出牧今十有四年復爲主  
客郎中重遊元都觀蕩然無復一樹唯兔葵燕麥  
動搖於春風耳因再題二十八字以俟後遊時大

和二年三月

百畝庭中半是苔桃花淨 一作開 盡菜花開種桃道士歸

何處前度劉郎今又 一作 獨來

○與歌者米嘉榮



唱得涼

一作梁

州意外聲舊人唯數

一作有一作難數

米嘉榮近來時世

一作輕先

一作前

輩好染髭鬚事後生

一作一別嘉榮三十載忽聞舊曲尚依然如今世俗輕前輩如染髭鬚事少年

望夫石

山正對和州郡樓

終日望夫夫不歸化爲孤石苦相思望來已見幾千載

一作歲

只似當時

一作年

初望時

聽舊宮中樂人穆氏唱歌

會隨織女渡天河記得雲間第一歌休唱貞元供奉曲

當時

一作

朝士已無多

金陵五題

并序

余少爲江南客而未遊秣陵嘗有遺恨後爲歷陽守跋而望之適有客以金陵五題相示適爾生思

歛然有得他日友人白樂天掉頭苦吟歎賞良久  
且曰石頭詩云潮打空城寂寞回吾知後之詩人  
不復措辭矣餘四詠雖不及此亦不孤樂天之言  
耳

○ ○ ○ 石頭

山圍故國周遭在潮打空城寂寞回  
淮水東邊舊時月夜深還過女牆來

○ 烏衣巷

朱雀橋邊野草花烏衣巷口夕陽斜  
舊時王謝堂前燕飛入尋常百姓家

○ 臺城

臺城六代競豪華。結綺臨春事最奢。萬戶千門成野草。只緣一曲後庭花。

○生公講堂

生公說法鬼神聽。身後空堂夜不扃。高坐寂寥塵漠漠。一方明月可中庭。

江令宅

南朝詞臣北朝客。歸來唯見秦淮碧。池臺竹樹三畝餘。至今人道江家宅。

○韓信廟

將略兵機命世雄。蒼黃鍾一作漢室歎良弓。遂令後代登壇者。每一尋思怕立功。

李賈二大諫拜命後寄楊八壽州

諫省新登二直臣，萬方礪喜捧絲綸。則知天子明如日，肯放淮南<sub>在</sub>高卧人。

美温尚書鎮定興元以詩寄賀

旌旗入境犬無聲，戮盡鯨鯢漢水清。從此世人開耳目，始知名將出書生。

酬瑞<sub>在</sub>州吳大夫夜泊湘川見寄一絕

夜泊湘川逐客心，月明猿苦血沾襟。湘如舊竹痕猶淺，從此因君染更深。

徵還京師見舊番官馮叔達

前者匆匆襍被行，十年憔悴到京城。南宮舊吏來相問

何處淹留白髮生

與歌者何戡

二十餘年別帝京  
重聞天樂不勝情  
舊人唯有何戡在  
更與殷勤唱渭城

與歌童田順郎

天下一作龍能歌御史娘  
花前一作月底奉君王  
九重深處無人見  
分付新聲與順郎

燕爾館破屏風所畫至精人多歎賞題之

畫時應遇空亡日  
賣處難逢識別聲  
去人唯有多情往來  
客強將衫袖拂埃塵

賞牡丹

庭前芍藥妖無格。池上芙蓉淨少情。唯在牡丹真國色。花開時節動京城。

題歌器圖

秦國功成思稅駕。晉臣名遂歎危機。無因上蔡牽黃犬。願作丹徒一布衣。

傷桃源薛道士

一作尊師

壇邊松在鶴巢空。白鹿閑行舊徑中。手植紅桃千樹發。滿山無主任春風。

王忠道碑堂不作

蒼蒼宰樹起寒煙。尚有威名海內傳。四府舊聞多故吏。幾人垂淚拜碑前。

傷愚溪三首

并引

故人柳子厚之謫永州得勝地結茅樹蔬為沼泚  
 為臺樹曰曰愚溪柳子沒三年有僧遊零陵告余  
 曰愚溪無復曩時矣一聞僧言悲不能自勝遂以  
 所聞為七言以寄恨

溪水悠悠春自來草堂無主燕飛回  
 隔簾惟見中庭草一樹山榴依舊開

草聖數行留壞壁木奴千樹屬鄰家  
 唯見里門通德勝殘陽寂寞出樵車

柳門竹巷依依在野草青苔日日多  
 縱有鄰人解吹笛山陽舊侶一作更誰過

傷循州渾尚書

貴人淪落路人哀，碧海一作水連天丹旆回。  
遙想長安此時節，朱門深巷百花開。

代靖安佳人怨二首

并引

靖安丞相武公，居里名也。元和十一年六月，公將朝，夜漏未盡三刻，騎出里門，遇盜，薨于牆下。初，公爲郎，余爲御史，繇是有舊。故今守遠服賤，不可以誄，又不得爲歌詩，聲于楚挽。故代作佳人怨，以裨于樂府云。

寶馬鳴珂踏曉塵，魚文匕首犯車茵。  
適來行哭里門外，昨夜華堂歌舞人。



秉燭朝天遂不同。路人彈指望高臺。牆東便是傷心地。  
夜夜流螢飛去來。

秋作

碧澗寺見元九侍御和展上人詩有三生之句

因以和

廊下題詩滿壁塵。塔前松樹已皴鱗。古來唯有王文度。  
重見平生竺道人。

思黯南墅賞牡丹

偶然相遇人間世。合在增城阿姥家。有此傾城好顏色。  
天教晚發賽諸花。

和浙西尚書聞此無常州楊給事製新樓因寄之

作

文昌一作星象盡東來。油幕朱門次第開。且上新樓看

風月會乘雲雨一時回。尚書在南宮為左丞給李與禹錫皆是郎吏

後梁宣明二帝碑堂下作。

玉馬朝周從此辭。園陵寂寞對豐碑。千行宰樹荆州道

暮雨蕭蕭聞子規。

贈李司空妓一作禹錫赴吳臺揚州大司馬杜公鴻漸開宴命妓侍酒。本事詩云李紳罷鎮在京慕劉名嘗邀至第中厚

設飲饌酒酣命妓妙歌以送之劉於席上賦詩李因以投贈之。崔令叔教坊記云杜韋娘歌曲名非發姓名也。

高髻雲鬟一作髮影黃梳頭一作髮影青梳頭宮樣妝。春風一曲杜韋娘。司空見

慣。渾閑事斷盡一作懨亂蘇州刺史腸。

和西川李尚書傷孔雀及薛濤之什。

玉兒已逐金環葬。翠羽先隨秋草萎。唯見芙蓉含曉露。

數行紅淚瀉清池

後魏元樹南陽王禧之子南陽到建業數年後北歸愛姬朱玉兒脫金指環為贈樹至魏却以指環寄玉

兒示有還意

○同樂天登樓靈寺塔

步步相攜不覺難九層雲外倚闌干忽然笑語半天上無限遊人舉眼看

○有所嗟二首

一作元稹詩題作所思

庚令樓中初見時武昌春柳似腰肢相逢相笑一作盡如夢為雨為雲今不知

鄂渚濛濛煙雨微女郎魂逐暮雲歸只應長江漢陽渡化作鴛鴦一隻飛

○和裴相公傍水閑行

爲愛逍遙第一篇。時時閑步賞風煙。看花臨水心無事。  
功業成來二十年。

杏園花下酬樂天見贈

二十餘年作逐臣。歸來還見曲江春。遊人莫笑白頭醉。

老醉花間有一作能幾人。

和樂天春詞

新妝面一作西下知樓深鎖春光。一院愁行到中庭數花。

朶蜻蜓飛上玉搔頭。

和嚴給事聞唐昌觀玉蘂花下有游仙一作仙游二絕

玉女來看玉蘂花。異香先引七香車。攀枝弄雪時迴顧。

驚怪人間日易斜。

雪藥瓊絲一作龍滿院春衣輕步步一作羽衣輕步石坐塵君平簾下

徒相問長伴吹簫別有人

○憶樂天

尋常相見意殷勤別後相思一作思量夢更頻每遇登臨好風

景羨他天性少情人

○醉答樂天

洛城洛城何日歸故人故人今轉稀莫嗟雪裏暫時別

終擬雲間相逐飛

虎邱寺見元相公二年前題名愴然有詠

前年滄橋送之

武昌

滄水送君君不還見君題字虎邱山因知早費兼才子

不得多時在世間

寄贈小樊

花面了頭十三四春來綽約向人時終須買取名一作多春

草處處將行一作來一作相將步步隨

吟樂天自問愴然有作

親友關心皆不見風光滿眼倍一作獨傷神洛陽城裏多池

館幾處花開有主人

和令狐相公別牡丹

平章宅裏一欄花臨到開時不在家莫道兩京非遠別

春明門外郭天涯

和令狐相公聞思帝鄉有感一本題上有遙字

劉禹錫十二

當初造曲者爲誰說得思鄉戀闕時  
滄海西頭舊丞相  
停杯處分聲不須吹

酬令狐相公見寄

羣玉山頭住四年  
每聞笙鶴看諸仙  
何時得把浮邱袖  
白日將昇第九天

令狐相公春思見寄

一紙書封四句詩  
芳晨對酒遠相思  
長吟盡日西南望  
猶及殘春花落時

城內花園頗會遊  
翫令公居守亦有素期適  
春霜一夕委謝書  
實以荅令狐相公見諱

樓下芳園最占春  
年年結侶採花頻  
籛霜一夜相撩治

不似佳人似老人

奉和裴晉公涼風亭睡覺

驪龍睡後珠元在，仙鶴行時步又輕。  
方寸瑩然無一事，水聲來似玉琴聲。

荅裴令公雪中訝白二十二，與諸公不相訪之

什

玉樹瓊樓滿眼新，的知開閣待諸賓。  
遲遲未一作去非無意，擬作梁園坐右人。

吳方之見示聽江西故吏朱幼恭歌三篇頗有

懷故林之想，吟諷不足因而和之。  
一作和人憶江西故吏歌

侯家故吏歌聲發，逸處能高怨處低。  
今歲洛中無雨雪



從定全肩言  
眼前風景是江西

裴令公見示誚樂天寄奴買馬絕句斐言仰和

且戲樂天

常奴安得似方回爭望追風絕足來若把翠娥酬駮耳  
駮一作始知天下有奇才

酬思黯代書見戲

一作酬牛相見寄

官冷如漿病滿身凌寒不易過一作遇天津少年留取一作守多情興請待花時作主人

○ 荅張侍御賈喜再登科後自洛赴上都贈別

又被時人寫姓名春風引路入京城知君憶得前身事  
分付鶯花興後生

○赴連州途經洛陽諸公置酒相送張員外賈以  
詩見贈率爾酬之

謫在三湘最遠州邊鴻不到水南流  
如今暫寄樽前笑  
明日辭君步步愁

○贈元九侍御文石枕以詩獎之

文章似錦氣如虹宜薦華簪綠殿中  
縱使涼飈生旦夕  
猶堪拂拭愈頭風

○酬元九院長自江陵見寄

無事尋花至仙境等閑栽樹比封君  
金門通籍真多士  
黃紙除書每日聞

○酬楊侍郎憑見寄

翔鸞闕底謝皇恩。纓上滄浪舊水痕。疎傳揮金忽杳憶。  
遠擊長句與批魂。

酬馬大夫登涯口戍見寄

一作酬海南馬大夫  
一作涯口

新辭將印拂朝纓。臨水登山四體輕。猶念天涯未歸客。  
瘴雲深處守孤城。

苔楊八敬之絕句

楊時亦  
謫居

飽霜孤竹聲偏切。帶火焦桐韻本悲。今日知音一留聽。  
是君心事手在不平時。

重寄表臣二首

對酒臨流奈別何。君今已醉一作貴我蹉跎。分明記取星星  
鬢。他日相逢應可多。

世間人事有何窮。過後思量盡是空。早晚回歸洛陽陌。

卜隣須願作近祝雞翁。

重寄絕句一作寄唐州揚八

淮西既是平安地。鴉路今無羽檄飛。聞道唐州最清靜。戰場耕盡野花稀。

酬楊八副使將赴湖南途中見寄一絕

知逐征南冠楚材。遠勞書信到陽臺。明朝若一作到君山上一作望一一作道巴江自此來。

送和韓睦州元相公二君子

玉人紫綬相輝映。却要霜鬚一作髯一兩莖。其奈無成空老去。

每臨明鏡若為情。

各定至是言 六四 三冊  
吳興敬郎中見惠斑竹杖兼示一絕聊以謝之  
一莖炯炯琅玕色，數節重重玳瑁文。  
拄到高山未登處，青雲路上願逢君。

奉和裴令公夜宴

天下蒼生望不休，東山雖有但時游。  
從一作來海上仙桃樹，肯逐人間風露秋。

秋夜安國觀聞笙

織女分明銀漢秋，桂枝梧葉共飈飈。  
川露滿庭人寂寂，霓裳一曲在高樓。

酬僕射牛相公晉國池上別後至甘棠館忽夢  
同游因成口號見寄

已嗟池上別魂驚，忽報夢中攜手行。此夜獨歸還乞夢，  
老人無睡到天明。

裴侍郎大尹雪中遺酒一壺兼示喜眼疾平一  
絕有閑行把酒之句斐然仰酬

卷盡輕雲月更明，金籠不用且閑行。若傾家釀招來客，  
何必池塘春草生。

和滑州李尙書上巳憶江南禊事

白馬津頭春日遲，沙州歸鴈拂旌旗。柳營唯有軍中戲，  
不似江南三月時。

酬柳柳州家雞之贈

日日臨池弄小雛，還思寫論付官奴。柳家新樣元和脚，

日盤蔓芽斂作手徒

答前篇

小兒弄筆不能嗔。凝壁書窓且當賞勤。聞彼夢熊猶未兆。女中誰是衛夫人。

答後篇

昔日慵工記姓名。遠勞辛苦寫西京。近來漸有臨池興。為報元常欲抗行。

重答柳柳州

弱冠同懷長者憂。臨岐回想盡悠悠。耦耕若便遺身老。黃髮相看萬事休。

登清暉作樓

潯陽江色潮添滿，彭蠡秋聲鴈送來。  
南望廬山千萬仞，共誇新出棟梁材。

赴和州於武昌縣再遇毛仙翁十八兄因成一

絕

武昌山下蜀江東，重向仙舟見葛洪。  
又得案前親禮拜，大羅天訣玉函封。

寄毘陵楊給事三首

揮毫起制來東省，躡足修名謁外臺。  
好著橐韃莫惆悵，出文入武是全才。

曾主魚書輕刺史，今朝自請左魚來。  
青雲直上無多地，却要斜飛取勢回。



東城南陌昔同游，坐上無人第二流。  
屈指如今已零落，且溘歡喜。一作鄰州

陪崔大尚書及諸閣老宴杏園

更將何面上春臺，百事無成老又催。  
唯有落花無俗態，不嫌憔悴滿頭來。

曹剛

大弦嘈囀小弦清，噴雪含風意思生。  
一聽曹剛彈薄媚，人生不合出京城。

寄湖州韓中丞

老郎日日憂蒼鬢，道守年年厭白蘋。  
終日相思不相見，長頭一作相見是何人。

楊柳枝

楊子江頭煙景迷，隋家宮樹拂金堤。嵯峨猶有一作常時色，半蘸波中水鳥棲。

出順郎歌

清歌不是世間音，玉殿嘗聞一作開稱主心。唯有順郎全學得，一聲飛出九重深。

夜聞商人船中箏

大編高帆一百尺，新聲促柱十三弦。揚州市裏商人女，來占江西明月天。

聞道士彈思歸引

仙公一作翁一奏思歸引，逐客初聞自泣然。莫怪殷勤悲此

曲越聲長苦日三年

○ 喜康將軍見訪

謫居愁寂似幽棲  
百草當門茅舍低  
夜獵將軍忽相訪  
鷓鴣驚起繞籬啼

贈劉景擢第

湘中才子是劉郎  
望在長沙住桂陽  
昨日鴻都新上第  
五陵年少讓清光

○ 赴連山途次德宗山陵寄張員外

常時並冕奉天顏  
委佩低簪彩仗閒  
今日獨來張樂地  
萬重雲水望橋山

嘗茶

生拍芳叢鷹觜珠  
老郎封寄謫仙家  
今宵更有湘江月  
照出菲菲瀾盃花

梁國祠

梁國三郎威德尊  
女巫簫鼓走鄉村  
萬家長見空山上  
雨氣蒼茫生廟門

望洞庭

湖光秋月兩相和  
潭面無風鏡未磨  
遙望洞庭山水翠  
一作山翠色白銀盤裏一青螺

楊柳枝

春江一曲柳千條  
二十年前舊板橋  
曾與美人橋上別  
恨無消息到今朝

樓上

江上樓高二十梯，梯梯登徧與雲齊。  
人從別浦經年去，天向平蕪盡處低。

洛濱病卧戶部李侍郎見惠藥物謹以文星之句斐然仰謝

隱几支頤對落暉，故人書信到柴扉。  
周南留滯商山老，星象如今屬少微。

故洛城古牆

粉落椒飛知幾春，風吹雨灑旋成塵。  
莫言一片危基在，猶過無窮來往人。

句

湖上收宿雨

故國思如此若為天外心

寄白公並見張為主客圖

東

屯滄海間南讓洞庭寬

秋水詠見紀事

翠粒照晴露

見侯鯖錄

銀花

垂院勝翠羽撼條鈴

雪見天中記